

四庫全書

集部

欽定四庫全書

陳檢討四六卷十三

翰林院檢討陳維崧撰

序

壽閻再彭先生六十一序

雕蟲末技壯夫之所羞稱

見璿璣賦

刻鵠微長高人之所不

錄馬援誠兄子書刻鵠不成猶類鵞

刻

而崧猥以一室居貧十年少賤豪

門戩穀輒憑翰墨而兕觥

詩

貴客添籌聊飾文辭爲羔

雁老子滄海變桑田吾以一籌記之今籌滿屋矣世說陳寶子紀謀並著名世號三君每宰府辟召同時羔

雁成羣丞棧交

至當世榮之

紫絲步障半綴蕪篇

晉書王愷作紫絲步障四十里石崇

作錦步障五

十里敵之

青瑣華軒恒懸鄙作

見愷園賦

然而意所不期

情難自展平流祝嘏專尚鋪張薄俗祈年惟工頌禱語

夫世德人人皆七葉雙貂

見半蘭賦

述彼家風戶戶悉一門

千石

見歸田賦

樓臺起處無非阿閣之三休

尚書中候黃帝軒轅時鳳皇巢

于阿閣賈子翟王使使者之楚楚王欲誇之饗客章臺三休乃止于上史記由余本晉人相西戎戎使聘秦穆

公示以宮室引之三休之臺

甲第成時多是長廊之中宿

相如上林賦步欄周

流長途中宿註步欄步廊也長途樓閣間陞道中宿乃至其上也

金蓋玉鱸薦自蓬池

世說南人魚鱸以細縷金橙拌之號為金蓋玉鱸隋煬帝所謂南方佳味也唐書學士初賜食悉曰蓬池鱸

冰兔霜蟾來從桂殿庾信詩天香下桂殿青琴擅舞矜十五之纖

腰相如上林賦青琴宓妃之徒絕殊離俗伏儼注青琴古神女也陸雲詩雅步擢纖腰絳樹能彈

訝一雙之纖手魏文帝與繁欽書今之善舞者莫妙于絳樹清歌莫激于宋臘徐陵詩絳樹新

聲最可憐曾無故實但涉形容况復齒近期願禮百年曰期願雅多

猜忌年踰不惑論語便學拘牽或當搦管以成文每慮轉

喉而觸諱中山聞樂之對奚可施之歌舞之筵見集生序次

公仰屋之談何堪妄預賓徒之末

漢書平恩侯許伯入第蓋寬饒仰屋視而

嘆曰富貴無常忽則易人如此傳舍所閱多矣

乃有生申吉日

詩

翻為騎省之

悼亡

見渭仁序

揆覽靈辰

離騷皇覽揆余初度兮

猥作子山之思舊

見耀

菴顧鄙人而授簡

見璿璣賦

命下走以攜詞

史記太史公牛馬走蕭望之傳

下走將歸延陵之臯阮籍奏記辟書始下下走為首西京賦走雖不敏註如言僕也

是則欽承曠

達雖渺慮以奚辭

陸機文賦渺衆慮而為言

便縱清狂

見浙西序

遂放言

而不顧者矣淮安閻再彭先生者吾友百詩徵士之府

君也譜其州里則地入并汾

見雪持序

詢厥門楣則望齊狐

趙左傳晉公子重耳之從者狐偃趙衰顛頤椒偏善衍

魏武子司空季子註五人賢而有功者

詩 著籍關東喬亦能遷 詩 徙居淮右家近劉安城下代

有神仙漢書淮南王安煉丹成九日上昇宅連韓信

橋頭人多節概淮安志城西韓信橋即先生則幼嗜經

緗見園長耽鉛槧見尺侯子瑜居貧篤學暮即雙紫謝

後漢書侯瑾字子瑜傭作爲資暮雙紫讀書獨處一室

如對嚴賓作矯世論以譏切當世西河人敬其才不敢

名之稱爲侯君高文通處困攻文畫而漂麥見懸子雲之頗精

筆札極似相如甘泉賦成帝時有薦雄父似相如者上

召雄待詔
承明之庭

君山之最富典墳何知猗頓

見少楹序

加以室有

同心人能偕隱章臺走馬之暇張敞則閒事畫眉

三輔故事

張敞罷朝會走馬章臺街其地在長安舊城內庾信謝馬啟張敞畫眉之暇直走章臺並見少楹序

南山

種萱之餘楊惲則還聽鼓瑟

見看奕賦

蓋先生德配實惟丁

太孺人云孺人以濟陽人地競羨簪纓

濟南志濟陽縣周邦國名

敬

禮門風蕪長文藻

見懔園賦

周南穠矣傳懿範于珩璜韓姑

爛其播徽音于筐筥

詩

委禽以後

見貞女序

交推桓氏之少

君

列女傳漢鮑宣妻桓少君始歸嫁貧甚厚宣不悅少君乃悉歸侍御服飾更著短衣與宣共挽鹿車歸鄉

里拜公姑畢提甕
出汲修行婦道

弋雁而還詩

人說梁家之德曜

詳劉太母

序 若夫眉既能齊

見貞女序

齒尤相若弧懸尚左剛聞萱莢

之纔週悅設從西復在茱萸之上浣

禮男子生懸桑弧蓬矢六以射天地

四方又男子生設弧于門左女子設悅于門右
萱莢見璿璣賦按茱萸上浣九月初旬也

廷幃洗竿

龐公則每展一年

高隱傳龐德公襄陽人操冰鑑居峴山南後與妻偕隱鹿門採藥不出

子姓承筐鮑母亦時逢九月

詳葉母序

曾寒暑之幾何乃家

門之非昔盧家之金椀猶在人間

見琴怨序

羸女之瓊蕭竟

歸天上

見藝圃序

先生則齒屆六旬孺人已歿將三載斯時

也庭萱不再籬菊猶存甫逢絳縣之期正躋丹丘之祝

左傳晉絳縣人年長矣曰臣生之歲正月甲子朔四百有四十五甲子矣師曠曰七十三年矣註每一甲子該六十日楚詞仍羽人于丹丘兮註丹丘晝夜長明之處海上神仙也嗣君曰今無可待願

大人姑謀一日之歡先生曰事以如生詎阿奴竟忘疇

昔之事

世說周顛周嵩並列貴位嘗冬至置酒其母舉觴賜三子曰伯仁志大而才小名重而識闇非

自全之道嵩性抗直亦不容于世唯阿奴當在阿奴目下耳註阿奴嵩弟謨小字也必也重循往

例還待來年疇能贈我須爲破末季之拘攣

潘岳西征賦陋吾人

之拘攣

假以貽余母或臨時流之剽襲庶其並提存沒不

令聞德之終湮極序生平竊冀老懷之暫慰乎於是祥

琴乍鼓

見愴園賦

引滿何傷

抱朴子于公引滿一石而斷獄益明漢書引滿舉白談笑大噓

莊缶纔歌

見井叔序

舉栝亦得此所以數高門之上客舊有

三千

詳劉太母序

問居士之頭銜新標六一也

歐陽修傳修終老賴之西

湖自號六一居士謂集古一千卷藏書一萬卷琴一張碁一局酒一壺鶴一隻

斯一事也有諸

美焉慨自庶姬驕蠱匹婦愚蒙名不結於儒林

見愴菴序性

寧諳夫古籍以致馮敬通之僮奴頭無釵澤鄭康成之

婢獲人在泥中

見閨秀序

甚而慣訴殺牛

世說隋時牛弘性寬裕弟弼嘗酗酒

射殺弘駕車牛弘還宅妻迎謂曰叔射殺牛弘聞之曰
作脯坐定其妻又言叔射殺牛是大異事弘言已知

惟忻射雉見滄莫習蘋蘩之節誰修翟茀之儀詩此則

雖享同牢見閨而曠如秦越韓文如秦人視越人之肥瘠漠焉不加喜戚于其心

縱居一室而渺若山河世說王濟沖經黃公酒壚曰自嵇阮既亡以來今日視此雖近

邀若山河何由戀德人已去而腸迴見素孰令懷賢跡雖遙

而腹痛詳篇末易林今覽所天之顧慕見瑞益知淑儷

之幽貞敬頌孺人斯美一也且夫新婦有言士兼百行

世說許允婦乃阮衛尉女德如之妹也奇醜初適許許
因謂曰婦有四德卿有其幾婦曰新婦所乏惟容耳士

有百行以德爲首君好色不好德何也允遂敬之

古人所勗人重五倫若使谷

風召怨詩

室家抱王郎天壤之悲

世說謝道韞既往王氏大薄凝之還謂太

傅曰一門叔父則有阿大中郎羣從兄弟則有封胡過末不意天壤之中乃有王郎按凝之義之子也

皦

日渝盟詩

妻孥興生世不諧之恨

應邵漢官儀周澤爲太常恒齋其妻怜其

老疲病問之澤大怒以爲干齋諺曰居世不諧爲太常妻一歲三百六十日三百五十九日齋一日不齋醉如

泥既作事復低迷

倘非守正宋弘何以結信於君

漢書宋弘威容羣臣莫及

明帝姑湖陽公主新寡欲妻弘難斥言帝令公主坐屏後從容謂弘曰富易妻人情乎弘曰臣聞貧賤之交不

可忘糟糠之妻不下堂顧謂主曰事不諧矣

若令虧恩吳起必至見疑於友

見井叔序 今也遺簪不棄足徵至性之純故劔偏求用驗天

親之篤見牛史序即小可以知大觀往可以察來敬頌先生

斯美二也更有難焉凡為子者堦前菜彩見懹園賦惟傾延

壽之觴漢郊祀志文帝時越人新垣平使人獻玉杯刻曰人主延壽園內潘輿見懹園賦

徒藉長生之枕神仙傳泰山父對漢武帝曰有道士教臣作神枕枕三十二竅其二十四竅應

二十四氣其八竅應八風臣行之轉少生齒庚信長孫夫人銘無延壽之杯缺長生之枕斟鄩縣菊

泉之水自許承歡見琴怨序采葛洪丹井之砂相矜愛日列仙

傳晉葛洪字稚川句容人著書號抱朴子性好仙術以勾漏多丹砂乃求為勾漏令註勾漏山在容州普寧縣

古交趾地岩穴多勾曲穿漏故名禮孝子愛日

未有善體親心曲全高尚嘗聞

古語延年則惟畏貴人

見歸田序

以况前賢曾皙則還生孝

子

孟

共傳我友真得卿狂

見竹逸序

敬頌嗣君斯美三也於

是侈陳三善賤子既操觚揚解而前

操觚見懸圃序檀弓杜菁揚解

競

祝千春衆賓爰拾級厯階而上

記拾級聚足連步以上左傳夾谷之會孔子厯

階而升

惜哉廡下已無昔年舉案之人

見貞女序

幸矣樽中尚

存昨日登高之酒

見九日序

附注

魏武祭喬大尉文殂逝後不以斗酒隻雞相酌沃腹

痛勿怪此平時
嘻笑之言也

壽徐健菴先生序

節踰亞歲日居駿狼之山

宋書冬至受萬國稱賀其儀亞于歲朝故云亞歲淮南子

日冬至駿狼之山夏至牛首之山註駿狼南極山牛首北極山

律轉初陽星紀牽牛之

次

史記冬至一陰下藏一陽上舒天文志日月五星冬至起牽牛

五紋弱線晷逢南至

以加長一寸飛灰候迫東皇而蚤暖

荆楚歲時記晉魏官中以紅線量日

景冬至後日影添長一線歷律誌冬至則葭管累黍一寸貯灰于緹室陽氣至則灰飛杜詩刺繡五紋添弱線

吹葭六管動飛灰東皇見澹菴序

則有西豪貴胄南路華卿

後漢書荀氏舊里名

西豪穎陰合康以高陽氏有才于八人荀氏亦八子改其里為高陽氏古諺南路徐北路于

大夫當

服政之年

禮五十曰
艾服官政

君子正懸弧之日

見壽
閤序

時則影柱

飛組之輩駟騎雍容

見九
日序

懷文抱質之夫儀容爾雅

曹植

與吳質書偉長懷
文抱質恬淡寡慾

攝衣上座非無北海之窮交

見九日
序及觀

程序揚解升階

見壽
閤序

大有東都之右姓

見天
章序

莫不鋪張官

閱揚厲高門敷華振藻爭誇言論之魁雄散彩搖珠備

極文章之光麗千篇噴涌沫欲成河

詳田太
翁啟

百軸喧闐

門還類市

漢書哀帝問鄭崇卿門何以
市對曰臣門如市臣心如水

僕也列于蒸

房折俎之旁

見觀
程序

效夫鞠脛卷韞之事

見璠
璠賦

顧諸君善

禱檀弓競誇有脊而有倫

詩

詎賤子不文未克以南而以

雅詩

今夫人呼麟種派出駒王

見懽園賦

科名烜赫弟兄依

日月之光

史記蕭何依日月之末光

族姓通明少長挾風雲之氣

見園

次一門獨貴五世其昌

見祖德賦

要爲六合所習聞

呂氏春秋神通

乎六合高誘註四方上下爲六合

亦屬八紘所共見

見璿璣賦

寧須辭費盛

稱海若之汪洋

莊子秋水篇秋水時至百川灌河于是河伯欣然自喜以天下之美爲盡在已

行至北海望洋向若而嘆註若海神名

曷用文繁深贊崧高之峻極

詩狀

雲霞之色縱績畫以靡工

見尺牘序

學鐘鼓之音即噌吰而

未省

見佳山序

用有一言請陳四座憶賤子楮冠彈缺之秋

楮冠

見懸圃序

適先生苴杖倚廬之歲

禮為父苴杖竹也為母削杖桐

也又親喪居于倚廬註倚牆為之無楣柱也

斯時也臯魚奉諱泣不成聲

園和嶠居憂毀將滅性

晉書和嶠居父喪以禮法自持量米而食劉毅對武帝曰嶠雖

寢苦食粥乃生孝耳若王戎不拘禮制而容貌毀悴所謂死孝禮毀不滅性不以死傷生也

尋而九

重賜賄

春秋天王使宰咺來歸仲子之賄註知生則賻知死則賄輿馬曰賄貨財曰賻

來天上

之哀榮

論語

俄焉七日歌虞盡人間之怛愴

見瑞木賦

亦可稍

酬澶乳之恩聊慰焄蒿之慕

說文澶乃乳汁也徐氏說引漢匈奴傳不如重酪之

美亦作湏祭義焄萬
悽愴此百物之精也

乃猶心摧寔石力瘁敢宮

周禮及寔執斧

以涖匠師說文寔葬下棺也檀弓天子之
殯敢塗註用木叢棺四面塗按敢通叢

量踰僕射竟

辭栝杓之霑

世說周伯仁大飲酒嘗經三日不醒時人謂之三日僕射陳暄與兄子秀書昔周伯

仁渡江惟三日醒吾不以爲少鄭康成一日三百盃吾
不以爲多北史齊高祖欲用李元忠爲僕射其子請節
飲文忠言我作僕射不勝飲酒樂 齋學太常長斷房幃之入見壽閣序以致

三荆田氏樛成連理之枝

見愴園賦

遂令大被姜肱

漢姜肱傳肱同

二弟仲海季江俱以孝聞兄弟同被
而臥及各娶妻兄弟相戀不入房室

繅自同功之繭

見雪

持序檀欒孝笋

見耀菴序

鬻沸忠泉

見歸田序

厯指內行之修足驗

天休之集且夫叢殘古本匪同毳罽之華斷爛長箋詎

比象犀之貴何來釋褐

見玉巖序

復事編摩豈有彈冠

見黃門序

仍需咕嗶

禮

况又東朝僚屬秩未清通

見孝威序

西郎班資

理宜貴倨

隋三禮圖長安街西五十四坊多王公貴人之第齊書竟陵王子良開西郎廷才俊自永

明末士人盛為文章談議者皆奏于西郎

溫子昇不過馬坊之賤客

本篇後注

干木居然駟僮之細流

漢郭泰傳段干木晉國之大駟註牙僮狡捷者曰駟

欲藉

子將月旦邈若雲霄

漢書許邵字子將汝南人覈論鄉黨人物每月輒更品題故有月旦

評初邵拔樊子昭于市肆出虞承賢于客舍召李叔才于無聞推郭子瑜于小吏聞者莫不飭行司空楊彪辟

舉方正

不就 倘求文舉掄揚

詳毛太母啟

曠猶秦越

見壽閣序

掃門莫

恤

史記魏勃欲見齊相曹參貧無以通乃常早起掃齊相舍人門舍人怪而問之曰願見相君無因故爲子

掃于是舍人引見參以爲舍人

懷刺徒羞

見園次序

而先生則黻帙連雲

見懸

圖

序 牙籤曜日

見三

劉孫秋南陽博士雅志通經

漢書劉珍字孫

秋南陽人永初中詔較定東觀五經諸子傳記百家藝術及作建武以來名臣傳後遷郎中

黃文疆

江夏儒宗勤思積學

見琴怨序

年經月緯沉酒在虫魚細碎

之中

見園次序

輯柳編蒲整齊於亥豕淆訛之日

楚國先賢傳孫敬在

大學編柳簡以寫經辰夜誦習漢書路温舒少貧牧羊澤中截蒲爲牒編用寫書亥豕見佳山序

文鋒

隳突颯若升峻阪以截熊罷

廣韻隳與毀同凡相見曰突又觸也

卒筆陣

轟虓

見禹平序

霍如洄絕澗而殲蛟鱷

列子習于水而勇于洄

何論杜

癖詎數劉淫

見懽園賦

乃若掘門寒峻寵以聲華

戰國策蘇秦特窮巷

掘門系戶捲
樞之士耳

委巷經師巧之譚論

孔叢子子思謂宋大夫樂翔曰昔魯委巷

亦有似君之言者劉峻絕交論巧其餘論

班荆贈紵

班荆見禹平序贈紵見懽園賦

鹿車駢

問字之人

風俗通俗說鹿車窄小裁容鹿問字見昭華序

倒度傾箱

世說郝夫人謂二弟

曰王家見二謝傾筐倒度汝輩則不然

馬帳溢橫經之容

見修襖序

銅溝清泚

見滕王賦 行我嘉賓詩

黛館扶疎

補註

綏余良士書

鄭莊置驛

見懽園賦遊龍而駟鐵爭馳袁宏漢記建初二年馬太后詔曰前過躍龍門上見外家車如

流水馬如遊龍詩駟鐵孔阜齡石飛牋流水則百函並發晉書夏王勃勃據咸陽劉

裕以朱齡石代鎮長安齡石才資敏給常日發八十函甚而言信於心屨及室皇

之外左傳宋殺楚臣申舟楚子聞之投袂而起屨及于室皇紉及于寢門之外車及于蒲胥之市遂圍宋

杜註室皇寢門屨及言其速也義形於色交深杵臼之間見園吹篳客

到肯緣急難以爲嫌見雪持序織屨人來遑假有無而自解

高士傳唐朱挑椎成都人夏則裸形冬則樹皮自覆每織芒屨置路旁見者皆言朱處士屨也易米置其地朱

至夕取之終不見人其嗜書也如彼其得士也又如此固宜其風

規朗暢氣凌袁灌之浮沉義烈區明目短原嘗之輕俠

也見半抑聞借臆據情則啼笑猶虞其或假代人頌德

則情文終見其多虛何似脫驂越石直陳晏子之深情

史記越石父賢在縲紲中晏子解左驂贖之載歸弗謝曰吾聞君子詘于不知已而信于知己者知己而無禮

固不如在縲紲之中晏子于是延入為上客寧如貨廡梁鴻自寫伯通之厚

誼見集僕兮凡鳥見曜走也窮魚走也見壽閣序夙無

結納之資素乏風颺之望黥奴詘辱人皆姍以為愚西陽

雜俎晉法奴子亡者以墨涅其面曰黥漢貨殖傳桀黥奴人之所患路鬼揶揄世競嗤之

曰鈍

見園次序

雀來楊館謬托雕梁

見素伯序

燕赴張巢叨依廣

厦

詳銀臺啟

是即升天入地奚能殫厥形容繪影鏤空不足

窮其纖悉也遂逢大衍之辰爰效華封之祝

易大衍之數五十充

紀帝觀于華華封人曰嘻請祝聖人使聖人富壽多男子

丹立不遠

見壽閣序

獻斯言請

居乘韋之先

見觀槿序

碧海非遙

見琴怨序

舉是觴願祝岡陵之

始詩

壽季太翁八十序

維揚上郡延令名區

揚州志泰州即吳陵一曰延陵又曰延令

扶風則鐵市

三條雒陽則銅街七里

庚信齊王憲碑文鐵市銅街風飛塵起並見憺園賦及滕王賦

星躔鶉火代產文人

詳鄴園啟

兆叶鳳絲世鍾右族

見祖德賦

巷

逢驄馬皆知鮑宣之家

列異傳鮑宣生子永永子昱三世皆為司隸而乘一驄馬京師

歌曰鮑氏驄三人司隸再入公馬雖瘦行步工

户有佩刀盡識王祥之宅

晉王祥傳

祥字休徵初呂虔有佩刀工相之以為必登三公可服此刀虔謂祥曰苟非其人刀或為害卿有公輔之量故

以相與

因翁季老先生瑞應乾符

班固東都賦聖皇握乾符

祥徵坤軸

見天策序

望齊孟叔著季氏之勲勞

左傳成季之將生也卜曰男也間于兩社為公

室輔按季友與孟叔俱桓公後故稱三桓

名高僑肸推行父之正直

漢紀孔明見殷

禮嘆曰今之僑肝也按子產名僑叔向名肝左傳晉人執季文子范文子曰季孫行父于魯相二君矣妾不衣

帛馬不食粟可不謂忠乎乃故季孫關西則四世公卿寔由太尉見愔園賦及素

伯瑯瑯則六朝閥閱咸藉始興王氏譜聖出太原王子晉之後出瑯瑯齊田和

之後晉書王導輔相元明成三世咸康初進位太傅封始興云爰是起家乃先作宰循

良孔奮界是姑臧惠愛王尊地名安定循良傳孔奮字君魚爲姑臧宰

姑臧稱富邑居縣者不盈數月輒至豐積奮居職四年清苦自若有訛之者答曰身處脂膏不能自潤涼州志

姑臧漢縣漢武威郡隋涼州漢書王尊舉從事上書擢安定守戒屬吏貪墨威震郡中班彪北征賦指安定以

爲期興志安定郡武帝置尋濟別夫中臺通典唐龍朔二年改尚書
在涇渭之間今平涼府

省為中臺官制考尚書為中
臺御史為憲臺謁者為外臺
用專膺夫吏部毛玠當塗

名士乃稱是科

魏志毛玠封丘人字孝先為吏部無敢
華衣美食者魏武嘆曰孤之法不如毛

尚書蜀志譙周問杜璵曰昔周徵君羣以為當塗高者
魏也璵曰魏闕名也當塗言高聖人取類言爾並見三

芝序

山濤典午清流始克其選

晉山濤傳巨源器量不
羣武帝朝為吏部尚書

甄別人物時稱山公

啟事典午見素伯序先生九品有章六曹無玷

魏志陳
羣為尚

書置九品官人之法漢書成帝置尚書四人分四曹有
常侍曹二千石曹民曹客曹官制世祖分二千石曹為

二曹又分客曹為南主
客曹北主客曹凡六曹

貂蟬映日

見半
繭賦

惟掄東觀之英

後漢書張衡為侍中上疏請得專事東觀
收檢遺文畢力補綴註東觀藏書之所

蔡戟生風
見

序秀詎較西園之市

見尺牘序

繼值興朝之改玉蚤欽哲士之

挂冠

國語先儒有言曰改玉改行註玉所以節行步也漢書逢萌見王莽謀篡且殺子王宇曰三綱絕矣

解冠挂東都城門遂浮海南史陶弘景掛冠神武門上表辭祿

陋漢季以聲名交扇既

爲黨論所莫加嗤晉末以門第相高復爲時賢所不忌

瞻烏握粟

詩

已覘達者之先幾鑿坏闔門

見天章序註

聊誌

高人之蚤見然而天祐善人世推陰德陸家之子弟仕

北尤多

見祖德賦

庾氏之功名辭南益顯

見滕王賦

兩馮並起已

聞繼踵爲官

漢諺馮奉世之子名立徙西河上郡與允野王相代爲太守民歌之曰大馮君小馮

君兄弟繼踵相因循
聰明賢智惠吏民

二杜齊名寧第夾河作郡

見祖德賦

時

則給諫冠月先生就傅知名

見楚鴻序註

有文在手

左傳成季之生

有文在其手曰友遂以命之

服官稱職義形於言循循三事之中書

諤諤百僚之上

見禹平序

當堦屈軼在聖主卒白其忠

見瑞木賦

繞砌芝蘭至慈父益稱其孝

見祖德賦

侍御滄葦先生蚤升

華秩歷筵崇階府裏烏啼驗班資之蚤貴

見祖德賦

殿前鵠

舉訝才望之尤奇

詳儲太翁啟

惟耽典籍豸冠亦暇即囊螢

與服志鷹冠即惠文冠漢法冠也獬廌一角獸觸不直者故名今御史服之按其制以纒爲展筭其紗大輕細

如蟬翼故曰惠丈惠者
聽也囊螢見懽園賦

酷嗜圖書蘭臺亦坐而漂麥

見懽

圃惟性淡於簪纓時適賜其休沐

見雪持序

蓋勤於王事帝

極憐仲孺有兄

見歸田序

而志在承歡朝持予太公以子况

穆王八駿悉是家駒

穆天子傳八駿之乘右服驂騮而左綠耳右驂赤驥而左白義次車

之乘右服渠黃而左踰輪右驂盜驪而左山子拾遺記穆王八龍之駿一名絕地二翻羽三奔宵四超景五踰

輝六超光七騰霧八挾翼正義魯仲連年十二號千里駒魏志曹休十歲太祖曰吾家千里駒晉書符朗為堅

從兄子爽晤堅嘗曰吾家千里駒也北齊書元文遙問何遜集一覽便誦時年十餘叔暉業曰吾家千里駒家

書權邦彥少時永叔奇之曰真名家駒

孔氏四科無非國寶

後漢書鄭玄曰仲尼之門

考以四料回賜之徒不稱官閥國語秦使使者往觀
楚寶器子西曰國之寶器在賢臣杜詩塞上得國寶銅

盤畫食則屋列東西見祖德賦金盞宵燃則巷分南北補註雕

龍蠟鳳髻齏皆對食之兒雕龍見三芝序蠟鳳見雪持序髻齏見賀徐序犀鞞

珠鞭少長盡朝天之客濯龍門畔見壽徐序註此爲道政之

坊見茹惠序鬪鴨欄邊見澹園賦即是浣衣之里宋書江湛爲吏部尚書無薰衣

嘗爲上所召遇浣衣稱疾經日衣成然後起又復王氏則金貂盈座見半繭賦卑

者位過郎官楊家則棣萼同居魏志楊適之家男女百口總服同慶庭無間言

幼者年踰七十謝東山之女詠絮無雙見琴怨序王武子之

甥過江第一

見滕王序及
季青序註

馬援之誠兄子夙有門風

馬援

傳援兄子嚴敦并喜譏
議援在交趾還書誡之

王况之事世叔備遵家教

庾信
幽國

公墓誌王况之事
世叔情深愛敬

姻連戚里步陸孤輦下名姬婚締強

宗紇豆陵天邊貴姓

庾子山集周譙國公夫人步陸孤
氏本姓陸吳郡人周趙國公夫人

紇豆陵氏本姓

至於一聲捉搦

見楚
鴻序

全部朝那

興志安
定都有

朝那縣陝西涼州第一城曰朝那按涼州
曲一名朝那班彪北征賦弔尉邛于朝那

鸞吟鳳舞

見
琴

怨序皆羊侃之侍兒

南齊書羊侃性喜音律有彈箏人陸
太喜着鹿角爪長七寸儻人張淨琬

腰圍一尺六寸時人謂能為掌中舞又

鵲顧猿迴

鵲顧
補註

有孫荆玉能反腰帖地銜席上玉簪云

猿迴見
孟母序

悉李波之小妹

北魏書廣平人李波宗族強盛殘掠不已當時百姓爲之語云

李波小妹字雍容褰裙逐馬如卷蓬左射右射必疊雙

殺婦女尚如此男子安可逢刺史李安世設方畧誘波等

亦有負城作宅導水爲園枯栢千章芙蓉百畝重岡壘

嶂袞延酸棗之臺邃壑幽蹊下蠹棠梨之館見翼王序蓋已

隱夫冬綠見海棠賦豈徒平仲春紅見竹逸序於是候近青陽節

逢玄陸見澹菴序桃結三千之實詳徐母序酒傾八百之觴見王巖序

註乃有四姓金張見滕王賦三江潘陸見園次序天上驂鸞之輩

人間控鶴之羣

見貞女序

以及突廊曲廈舍旁撲棗之鄰

杜詩

堂前撲棗

錦鸚雕軒車下翳桑之客

左傳宣子田于首山舍于翳桑見靈

任西鄰

輒餓

食之楊子雲口多瘡吃但解著書

見天章序

管公明膽未堅

剛先求酒食

見藝圃序

無不鞞臈戟門

見璿璣賦

承筐綺席

詩

拂咽三危之露依稀開四照之花

呂氏春秋水之美者有三危之露王巾頭

吃寺碑四照之花萬里庾信啟花開四照惟見其榮并見璿璣賦註

僕也何人幸逢斯會

渡江而謁卓茂已識盛朝褒德之侯

循良傳卓茂以儒術遷密令教化大

行光武即位詔拜

擁篲而拜伏生更俟他日傳經之歲

太傅封褒德侯

史記 鄒子如燕昭王擁
簞先驅伏生見昭華序

崑山盛逸齋六十壽序

蓋聞白蓮碧蘊三千鴻朗之函

補註

絳闕瓊霄八百應真

之位

列仙傳天台司馬子微身居赤城名在絳闕文選應真飛錫以躡虛按八百應真乃羅漢也

夜

摩天上

下註

小紅開稱意之花

見琴怨序

修羅官中

法苑珠林兜率天雨

摩尼珠修羅

重碧醞延齡之酒

見壽閣序杜康酒論重醞重醴

由來才

子籍總屬於青城

成都灌縣記岷山連亘千里青城山爲第一峰道書第五洞天乃神仙都

會之府庾信詩

綺門臨青城 自古高人年盡班於絳縣

見壽閣序

豈獨范

家一老夙號長生

下

註寧徒謝氏諸郎蚤呼益壽

世說謝混字叔

源小字益壽亦稱望蔡美風貌時宋武帝稱混與謝晦為兩玉人

玉峯盛逸齋先生者

吾友中書君珍示先生之介弟也

左傳楚伯州犁上其手曰夫子為王子圍

寡君之貴介弟也

響答堦麓

詩 枝駢萼跗

見丁香賦

雙丁兩到名高

四姓之中七穆三明學在一門之內

見園

荆山剖玉

見楚

鴻 序價並連城

見昭華序

合浦生珠光俱不夜

見素伯序

瓊瑤映日

寧誇宣子之環龍雀凌雲詎數茂先之劍

見園

無何而

中書君選羽中朝蜚聲天室岑之敬雅工詞筆藉甚南

陽 陳書列傳岑之敬字思禮南陽人五歲讀孝經每焚香獨坐親戚嘆異之十六擢高第為壽光學士轉南

臺侍御史征南 府諮議參軍 顏之推博極文書翩然北闕 顏氏家訓序顏協乃

顏子三十四世孫子之推字子分博學才辨嘗待詔文林館齊亡入周為御史上士開皇中召為文學有文集

家訓 傳世 爰乃讀士衡之製作爭問士龍 見祖德賦 傳孝穆之科

名羣思孝克 孝穆見滕王賦而史徐孝克陵弟也并詳韓倬啟 然而梗柎杞梓

雖才地之皆同 見滕王賦 橘柚植梨實遭逢之各異 莊子人間世匠

石之齊至于曲榦見櫟社樹曰是散木也是不才之木也後櫟社見夢曰若將比予父木耶即楂梨橘柚果蓏

之屬熟則剥 故不終天年 蓋先生幼擅清羸長多痰疾沉酣鉛槧 見尺

序 贖 朱君固不愧五經 張璠漢記朱穆字公叔暉之孫五歲好學明五經南史朱异字彥和

遍治 五經 憔悴 晞苓 李子則偏嘗百藥 進學解猶醫師以昌陽引年欲進其晞苓

也 唐書李百藥字重規幼多疾 攬隱侯之腰帶息意紛 祖母以百藥名之後年八十五

華 梁書沈約志望台司武帝終不用與徐勉書陳情曰 病已數旬草帶常移孔引手握臂率計月小半分欲

謝事求歸 循騎省之顛毛何心仕進 見園次序柯亭有笛見

老之秩 敢邀子野之知 伏滔長笛賦叙桓子野有故長笛傳之者老云蔡邕所製也按桓伊字夏

叔小字子野 變下餘琴難入中郎之聽 見佳山序滕曇恭之

惟敦行誼抗跡顏曾 孝子傳滕曇恭五歲知孝母楊氏患熱思瓜非其時曇恭歷訪不得

街悲且行遇一僧問其故曰我有一瓜相遺持歸
奉母舉室驚異梁天監初表異之時號滕曾子 杜京

產之不樂時榮希踪臺尚

漢書杜京產不樂仕進隱會稽日門山建武中徵之不出

曰莊生持釣豈爲白璧所回齊表牙贈庾易詩白日清
明青雲遠亮昔同巢許今覩臺尚註臺孝威尚子平也

尚一作向優焉游焉如是而已若乃纏綿至性庭集慈烏

見澹

園賦惻愴人倫園生孝笋

見麗卷序

番番黃髮

書

頻緇內則之

篇禮

濟濟青袍羣奉少儀之訓

禮

讀君陳之章友於兄

弟書

誦周南之什宜爾子孫

詩

萬石君之門風刊爲庭

誥見歸田序

陳太丘之家法肅若朝儀

見愴園賦

雖以伯子爲難

兄

見施公誄

猶仗次公為家督

越世家陶朱公長男曰家有長子曰家督

至其澤

必旁流慈能逮下善人在難皆言緩急堪資窮子知歸

不以有無為解劉寬雅量何妨侍女之汚衣

漢書劉寬字文饒嘉

平中拜太尉當朝會夫人欲試寬令恚使侍婢捧肉羹汚其朝衣寬神色不異乃徐言曰羹爛汝手乎其性度

如此杜老高情一任鄰家之撲棗 見壽季序 傾身障簾嗤祖約

之何愚

晉書祖約正料財物忽客至拚擋不盡餘兩小簾箸背後傾身障之

握箕持籌哂

王戎之已陋

世說司徒王戎字濬冲區宅僅牧膏田水碓之屬洛下無比契疏鞅掌每與夫人燭

下散籌箕計

因已寄錦情於霞外大可暢笑咏於風前於是

棐几長廊油窓砥室

六帖王右軍嘗請一門生家見棐几滑淨因書之招魂砥室翠翹註

以石爲內臥之室平而滑也

藥欄曲折

見懽園賦

半齋何安之楊

南史何安字栢

鳳少機警住白楊巷蕭資亦有雋才住青楊巷語曰白楊何安青楊蕭資

苔坂髮髻

見瑞木序滿

徑陶潛之菊

陶潛歸去來辭三徑就荒松菊猶存

棕鞞桐帽摩挲於露濃

烟淡之秋茗椀爐熏掩映於山曉水明之候室內都無

長物

見祖德賦

門前寧有雜賓

見懽園賦

先生則抱膝微吟

詳劉太母

序搗頤獨笑

莊子漁父篇漁父左手據膝右手支頤

鵝兒榨綠

見瀛臺序

閒庭

瀉下若之醅

見園次序

魚子番紅長日搨太清之帖

後漢蔡倫傳和

帝時倫造敝布魚網以爲紙咸稱蔡侯紙事原密香樹紙文如魚子水漬之不潰爛又魚箋以粉粒染之名魚子紅宋紀大觀年中徽宗以淳化帖考選數帖重刻于太清樓下

漏痕釵脚

書斷或問郭丘曹筆

法懷素以古釵脚對顏魯公曰何如屋漏痕

缺齧行間

見樂府序

鹿脯羊裙盤拏

腕下

顏魯公鹿脯帖病妻服藥思鹿脯羊裙見紫來序

况復性愛丹青尤精皴

染深黃淺絳掩北宋之專家暈墨烘檀畫南唐之能事

見瀛臺序雲偏滄几揮毫而螺髻爭呈蝶欲窺人擲筆而粉

鬚猶濕解衣盤礴依稀弦外之琴

莊子田子方篇宋元君將畫圖有一史後

至解衣盤礴君曰是真畫者也陶潛傳淵明蓄素琴一張絃徽不具曰但識琴中趣何勞弦上聲

蘸髮

淋漓彷彿詩中之畫

唐志張旭濡髮草書稱善語林蘇軾云摩詰詩中有畫畫中有詩

凡諸妙詣種自淨因攬屨多能工由禪喜

見納

蓋先生

自玉弩斜芒之後久持鹿女之經

天官書有四星有狐與弩象也李白大獵

賦碎琅瓠攬玉弩鹿經菩薩為鹿其毛九種色角如白雪珠林上古有二金仙修道東西巖其間母鹿生鹿女

形極美金仙養之後佛母生于鹿女

因名鹿苑乃佛成道初轉法輪處也亦珠囊匿曜而來

見鴻便禮龍華之懺

珠林龍華三會以花銜龍口中作會以懺悔也

崔泉鵝出

見戀

圃序蚤悟空花

見舜

洛下鶻啼

見曜

長阪正果

珠林學道

東

楊枝作供詎談鍾岢之鮪

北史佛圖澄天竺人石勒聞其名召試其術澄取鉢

盛水須臾鉢中生青蓮花勤愛子暴病死澄取楊枝水
 洒而咒之復獲南史何亂侈于味後稍欲去其甚者猶
 食白魚組脯糖蟹以為非見生物疑食蛆蠅使門人議
 之學生鍾岢曰組之就脯驟于屈伸蟹之料糖蹂擾彌
 甚至于車螯蚘蚘蠅宜長充庖厨竟陵王子良見
 岢議大怒後周顛與亂書勸合食菜蔬絕血味 菰米

為餐莫剪庾郎之韭

雜記菰之有米者曰雕杜詩香春
 菰米飯蕭子顯齊書庾杲之清素

自業食惟有韭附郭林
 宗見友至冒雨剪韭

漉囊淨饌瓶中惟薈葡之花
 戒

佛作食取水以絹或布幔江漉水作食方淨佛經譬如
 入薈葡林中惟覓薈葡不聞餘香本草經薈葡即梔子

花 禪板潮音枝上只迦陵之鳥

一叢林記禪院開靜止靜
 板至三板名曰鉗錘

觀音經梵音海潮音勝彼世間音彌陀經迦陵頻
 伽共命之鳥二鳥同身二首出流雅音念佛僧此又

緇白所以心傾人天爲之眉舞者也時則風標日上第

五還齊驃騎之名

見祖德賦

棲託彌佳安道常言家弟之樂

世說戴安道既厲操東山而其兄欲建式遏之功謝太傅曰卿兄弟志業何其太殊戴曰下官不堪其憂家弟

不改其樂

荀家會食少長皆龍

荀淑傳淑字季和補朗陵侯相子八人儉醜靖燕汪與肅

敷號八龍陳實詣其家淑使叔慈應門慈明行酒餘六龍俱下食

薛氏行觴兄弟俱鳳

唐史薛收字伯褒與弟元敬從兄德音齊名世稱三鳳

兜扶藤杖悉屬班香宋艷

之才

見瀛臺序

孫昇藍輿都爲竹馬羊車之秀

陶潛傳每游時弟子與子

昇以藍輿杜氏幽求子年五歲有鳩車之樂七歲有竹馬之樂羊車見雪持序

清門盛事仁里

休徵慶花甲之初週驗椿齡之伊始

雜記六十曰花甲
莊子逍遙遊上古

有大椿者以八千歲為春八千歲為秋

僕與玉臣雋連蘭契雲璈隊裡謬

克蓬島之賓

西王母傳王母與金闕聖君乘八景輿同詣清虛上宮是時三元夫人馮雙禮彈雲

珉而答歌蓬島詳徐母序

晝錦堂中奠獻麥丘之祝

宋韓琦傳琦有晝錦堂歐陽為

記蔡襄書名麥丘下註

屬有華軒之授簡悉憑綺席以抽毫殺烝

折俎敢辭乘韋之先

見觀禮序

庭實加籩願附焯庖之末

左傳


楚子入享于鄭庭實旅百加籩豆六品註庭實庭中所陳國語定王饗晉隨會曰體解節折而共飲食之于是

有折俎加豆註既食後所加之豆其實芹植菹醢之屬祭統焯炮程閭吏之賤者也

附注

酉陽雜俎三十三天內有夜摩天崔鴻蜀錄范長
生青城山處士成主李雄欲迎以爲君長生不可

乃自立爲成都王拜長生丞相尊曰范賢韓詩外傳晏
子景公遊于麥丘其封人年八十五公曰壽哉子其祝
我



陳檢討四六卷十三

欽定四庫全書

集部
陳檢討四六卷十四
五

詳校官侍讀臣陳崇本

助教臣常循履勘

總校官知縣臣楊懋珩

校對官助教臣陳木

騰錄監生臣汪緣

欽定四庫全書

陳檢討四六卷十四

翰林院檢討陳維崧撰

序

贈閻梓勤三十初度序

劉伶臺閣時出酒雄

淮安志劉伶臺在山陽縣東北七里其南有杜康橋

韓信城

孤代生劍俠

興志韓王莊在淮陰縣東北韓信實生於此後名淮安為韓信城

漢淮南

著書之地賓客魁豪

淮南王傳劉安博雅好古著鴻烈二十篇號淮南子並見滕王賦

枚少孺作賦之鄉才華斐亶

漢書枚臯字少孺淮陰人好詼諧善賦頌又極敏捷

則有并汾右姓狐趙名宗

見壽閣序

少蜚雛鳳之聲

見半繭賦長

被伏鸞之日

見懸圖序

人傳衛玠何減佳人

見雪持序

羣說黃香

無慚才子

見琴怨序

一堂彪固擅門地于髫年

見庭表序

兩世談

遷邁家風于綺歲

見懸圖序

爾其骨性清剛襟期朗暢絢爛

文章之圃赭若雲霞琮瑋翰墨之場颯如風雨臨文陷

陣目攝魑肩突鬢之夫

史記蔡澤魑顏慶頤

掣筆摩霄氣吞摘句

雕章之客書亡三篋補自胸中

見天篆序

賦駕兩京成于座

上

見天篆序注

况復分其餘技足了十人

梁書柳惲材藝兼美帝謂周檢曰柳

惲可謂其美分其材足了十人

量厥長才寧無一石

晉書謝靈運言天下文章只一石曹

子建獨得八斗

蕉筆作擘窠之字虎跳龍拏

見楚鴻序

調鉛繪沒骨

之圖鶯歌蝶舞

圖畫見聞誌李端愿有圖畫芍藥五本云是公主房中物或云太宗賜文和其

畫皆無筆墨惟用五米布成旁題云黃居寀等定徐崇嗣畫沒骨圖以其無筆墨骨氣而名之但取濃麗生態

畫苑徐熙之子效黃筌畫謂沒骨圖

髹几則雕鏡金石油窻而箋釋蟲魚

史記貨殖傳木器髹者千枚師古注椽椽物謂之髹蟲魚見園次序

牆邊振笛何妨脫畧

之名

見庭表序

樹下搖琴大得清狂之譽

見浙西序

謝詼教弄半

由漫興以淋漓感激轟騰聊見餘波之綺麗較童烏之

夙惠此更堪多

揚雄傳雄子烏稱神童九歲而天子雲嘗曰吾家童烏九歲預吾立文

倘

犬子以同時君應不讓

見納姬序

觥觥吾友嶽嶽而翁

見祖德賦

猥於京國朋遊偶說家門子姓熟知婚媾易并悉干支

見瀛臺序

懸弧值陶令春遊之日小字斜川

懸弧見壽閣序陶潛遊斜川序

辛丑正月五日天氣澄和風物間美與二三鄰曲同遊斜川

坦腹則南容兄子為妻

坦腹見桐初序南容載論語

婦家大阮

見祖德賦

言之笑噓聽者顛狂詎

期羣紀之交

見楚鴻序

更屬潘揚之戚

見尺牘序

爰申諷語

見樂府補

序
用展私親我所聞于古人敬以陳之執事士先器識

誠哉長者之言人薄輕華允矣先民之論

唐紀聞喜憲公裴行儉曰

士之致遠者當先器識而後文藝王楊盧駱雖有文華而浮躁淺露豈享爵祿之器耶

輪困山木

經百折而壽始千年

鄒陽上梁王書蟠木根柢輪囷離詭

澎湃江濤過雙

崖而勢恒一束

上林賦洶涌澎湃

相期大雅置身千古而前所

貴英賢折節萬夫之後并仗左汾為傳右晉脊鶴努力

詩

會看接翅于雲霄棗萼交柯

詩

佇見聯鑣于殿閣寄

聲吾子勉旃來日之居諸

詩

試問君家住者何人之里

巷

原註梓勤居淮之竹巷狀元里

徐母顧太夫人六十壽序

蓋聞桃開千歲知為王母之花

漢武故事王母出桃七枚以五與帝自啖其二

帝留核以種母曰此桃三千年一實非下土所植也

桂實三秋識是姮娥之樹

集仙

錄月中有丹桂羅隱詩定知丹桂近姮娥

風名少女

魏志管輅過清河倪太守時大旱輅言樹上已

有少女微風其雨至矣註東南風也巽為少女居東南故名

星號夫人

下註

瑤扉璇嶺

宜春建延壽之宮

上林賦下棠黎息宜春郭璞註宜春苑名在渭南杜縣東漢宮闕疏長安

有宜春宮延壽宮

丹竈瓊田不夜築長生之館

寰宇記古有日夜出于東萊故

萊子立城以不夜為名長安志天寶六載立殿曰長生以備齋祀

女兒山上鸞鳴天姥

之鄉

九域志河南府福昌縣本宜陽縣有女兒山曰蘭香神女上升遺几于此太真外傳玄宗登三鄉峰

望女兒山作霓裳曲詩紀太白夢遊天台有天姥吟

珠母洋中

輿志合浦東南巨海中出大蚌剖而

得珠曰珠母海

龍出鮑姑之井

補注

然而青天易老

見寶卷序

碧海多

濤

見琴怨序

夸娥猶助以移山

列子太行王屋二山方千里高萬仞愚公年且九十面山

而居憊山北之塞出入之迂也將移之帝感其誠命夸娥氏二子負山一厝朔東一厝雍南自此冀南漢陰無

隴斷焉註太形即太行

媧帝難辭夫煉石

見憺園賦

河頭娶婦逋十萬

之緡錢華頂投壺負一雙之博箭

見三芝序

須知天上還遜

人間彼夫九州富貴之家奚翅三島神仙之窟

郊祀志蓬萊方

丈瀛洲三神山在渤海中

則有四姓貴遊

見瘡璣賦

五陵甲族

見渭仁序

戶班

魯衛姻締譚邢

詩

葭苕盡祭戟之宗

漢中山靖王對羣臣非有葭苕之親

注葭蘆也苕白色皮至薄言無薄親也祭戟見看奕賦

華跗悉貂蟬之彥

見半海賦

箕

疇五福

書

華祝三多

見壽徐序

而或者人發其祥天靳其寵

東方曼倩之婦未見成仙

見閨秀序注

南宮敬叔之妻不聞

多福

論語

霍驃騎齊名博陸稽家乘者祇稱異母之兒

漢書

霍去病封冠軍侯加驃騎大將軍異母弟光字子孟封博陸侯

班定遠接踵蘭臺

見觀棎序

修漢書者猶賴大家之女

見歸田序

至若蘇誇軾轍宋美郊

祁

宋書蘇軾字子瞻弟軾字子由蜀人宋郊改名庠字公序雍邱人稱大宋弟祁字子京稱小宋祁臚傳第

一以弟不可先兄命庠第一兄弟翰林

此皆雙萼交輝未必三柯競爽燕

山五竇詎曾並擢巍科

見懽園賦

洛下三張寧說咸登上第

見祖德賦

設云有是定疑史冊之多夸藉曰其然翻笑文人

之善謔何圖今日身親見之如我徐世母顧太夫人者

太夫人德懋珩璜職優組紉

禮女子治織組組紉

幽蘭紉佩幼已

奉為女師

見三芝序

香茗裁篇長不煩夫姆教

見昭華序

爰以鹿

邑之名閨

見半爾賦

歸我駒王之貴冑

見懽園賦

恪遵內則洲既

咏夫睢鳩克相外庭弋又加於鳧雁

詩

有無黽勉

詩

鴻

妻宛宛以如賓

鴻妻見貞女序如賓見井叔序

旨畜辛勤

詩

陶母殷殷

而召客

列女傳陶侃孤貧范逵嘗過侃倉卒無以待賓母湛氏乃截髮為二髮易酒穀又撤柱為薪對

薦給其馬逵曰非此母不生此兒

遂以德門之瑞蔚為盛世之榮剪虬

龍之片甲徑欲成雲分鸞鷲之一毛便思映日

周語鸞鷲鳴于

岐山注鸞鷲鳳屬

三株玉樹盡拂青霄

唐書王福時三子勔劇勃皆著才名杜易簡稱

王氏三株樹

滿穴丹雘齊騫碧漢

見祖德賦注

彤墀策對羣推杏

苑之無雙

唐紀進士及第宴會于杏園

紫禁臚傳共羨瓊花之有二

歲時記進士杏園初宴謂之探花宴令少俊二人為探花使覓園中名花若他人先得名花則探花使被罰

龍樓接武

見滕王賦

不異趨庭

論語

鳳沼羣棲

見考功序

有如家塾

禮

矧乃乘龍快婿復首攀南國之花

楚國先賢傳黃憲為司徒與李元禮

俱娶太尉桓馮女時人謂桓叔元兩女俱乘龍謂婿如龍也後魏志郭瑀有女謂劉昞曰吾欲覓快婿昞曰延明即其人也遂妻之至於繡虎諸孫見祖德賦又人擅西園之賦見尺牘序

太夫人受斯第祿釐爾罄宜

詩

和風襲襲翼此軫軒旭

日曨曨耀其綸翟

周禮內司服禕衣綸翟注禕與鞞同狄與翟同皆雉色三禮圖綸衣綸翟

刻青翟形采畫
雉綴于衣是也

謝道韞解圍逾妙郗夫人神明不衰

列女

傳謝道韞王凝之妻謝奕女也獻之與客談論辭理將
屈道韞遣婢曰欲為小郎解圍施青步帳自蔽車前議
客不能屈世說王尚書惠詣王右軍郗夫人問眼耳未
覺惡不夫人時年九十答曰髮白齒落屬乎形骸至于
眼耳關于神明

那可使與人隔 褒綸稠疊踰於架上之書榮誥駢闐積

若床頭之笏

唐書崔儼為諫議大夫羣從數十人每歲時家宴以一榻置笏猶重李穆傳穆拜太

師贊拜不名一門執象笏百人

而乃安不忘勤貴而彌儉春飈婉婉愛

提陌上之筐

詩女執懿筐

秋景澄鮮貪響林間之杵

徐陵碑文春鷓

始嘒必具籠筐秋
蟀載吟競鳴機杼

兼之惠必逮人禮恒自下悃悃澣澣

詩

聿修女士之儀抑抑笄珈

詩

用著閭門之範撲杜陵

之棗旁許隣家翳趙國之桑時無餓者

見壽李序

律應熙春

時逢介壽六宮喧笑九天爭侈為美談百禮紛綸千載

猶欣其盛事脂田粉碓

詳顧哀辭賜出椒房

延以椒塗壁亦取溫煖

庭實嘏辭

庭實見逸齋序家語祝嘏莫敢易其常法

克於柘館

漢班婕妤賦痛陽祿于柘館兮玉臺新咏序柘館陰岑

紇豆陵京都貴女

見壽李序饋

來芍醬千瓶

史記醢醬千甔比千乘之家枚乘七發芍藥之醬相如子虛賦芍藥之和具而後御

之侯莫陳輦轂名姬捧到鶴綾萬匹

庾信集有周大將軍隴東郡公侯莫

陳君夫人竇氏墓誌
銘鶴綾見瀛臺序

長欄短巷繁燦熏天北壁南榮華

鐘殷地時則曉澗呈青春巖獻黛枝頭綿羽

見澹
菴序

飛來

戴勝之禽

月令季春之月戴勝
降于桑注織維之鳥

砌畔新萋

見修
楔序

長就忘

憂之草

見看
奕賦

蘇臺百尺無非織女之臺

吳志吳王破越
越進西施吳王

乃築姑蘇臺高三百丈
晉宮闕名鄴有織室臺

崑玉千岡

見懸
圃序

半是安妃之玉

見天

篆序崧以不才歡承斯會島間石燕迎淑氣以爭飛

顧
凱

之啟蒙記零陵郡有石
燕得風雨則飛如真燕

燮下焦桐遘賞音而欲奏

見佳
山序

今日三明七穆

見園
次序

須知稱觥洗竿而來

詩

詰朝十叟

八公

列仙錄邛人家有橘園橘盡收斂有大橘如三斗
蓋巴人剖之每橘有二叟鬚眉蟠然肌體紅明皆

相對象戲談笑自若又有諸叟曰橘中之樂不減商山
又一叟于袖中出一草根以水啜之化為龍四叟乘之
而去幽怪錄載橘中只八叟神仙傳八公詣淮南王安
門闕人難之八公曰王薄吾老今則少矣皆變為童子
門吏驚報八童復化為老人
授王丹經與王白日升天
行見控鶴驂鸞而至
見貞女序

附注

三夫人星在紫微天皇大帝旁

葉母李太夫人六十壽序

益聞玉衡散彩天邊競說李星

春秋運斗樞玉衡星散為桃李

鳧鳥昇

仙世上偏誇葉縣

見二齋序

西河女子名已注於銀臺

杜陽雜編

滄洲去中國數萬里所居或金闕銀臺玉樓紫閣庾信步陸孤氏銘豈直西河女子獨見銀臺東海婦人先逢

金南嶽夫人位自班乎絳闕陶弘景真靈圖南嶽魏夫人西嶽蔣夫人集仙錄魏

夫人晉司徒魏舒之女名華存嫁劉幼彥生二子性好道有真人授以太上寶等書位為紫虛元君南嶽夫人

升天而去絳闕見逸齋序護庭日麗見憺園賦時開長樂之花見澹菴序柘館

風輕見徐母序每種恒春之樹見天章序何必廖家井上始獲尋

砂抱朴子臨沅有廖氏家世多壽疑其井水殊赤試掘井得丹砂數十斛詎須酈縣泉邊

纔能采菊見琴怨序同色葉母李太夫人者都憲晴原公之

孫而編修集虛公之女也蛇蟠笥裏代識貴遊見祖德賦鳳

吐懷中世徵才子

漢紀揚雄著太玄作甘泉賦既成夢口中吐白鳳

千枝繡戟

見有奕賦

文通武達之門

宋史檀珪求祿書曰僕一門雖謝文通乃忝武達而令子姪飢死

二等金釭學士尚書之第

何宴景福殿賦落帶金釭此為二等漢書昭陽舍其壁帶

往往為黃金釭函藍田壁並見看奕賦

夫人甫離毀齒蚤譽徽柔乍即勝

衣旋稱淑慎

毀齒勝衣見素伯序書徽柔懿恭詩淑慎爾止

名齊鍾郝鏘雅韻

於玗璜

賢媛傳王渾妻鍾氏乃鍾琰之女太傅繇之孫女也王湛少無婚自求郝普女郝門孤陋而女

有淑德後鍾郝為姊姒雅相親重鍾不以貴陵郝郝不以賤下鍾東海家內則郝夫人之法京陵家內範鍾夫

人之禮晉書渾初襲父爵京陵侯王汝南娶郝氏生東海族壓譚邢扇芳芬於筐管

詩乃以隴西之淑女嬪彼南陽之象賢時則奉常香城

公九列升華

見賀徐序

奕奕韋平之望

見智修序

國學崙生君六

經論秀翩翩應阮之儔

見滕王賦注

夫人爰自齊宰泊乎降

乍

見閨秀序

太常齋日潔爾庶羞

見壽閣序

夫子貧時遺其雜佩

詩雜佩以贈之

苕苕中外欲爭奉為禮宗

見貞女序注

濟濟姬姜但

願師其閭範

詩

茲者時逢設悅

見壽閣序

禮屬加籩

見逸齋序

星

連婺女之津

漢書越地婺女之分野吳都賦婺女寄其曜

海湧麻姑之宅

見舜

序民幸通門能知大概為壽母畧綴俚詞鋪揚疇昔資皇

娥拊瑟之懽

見雪持序

詮次艱難博天姥投壺之笑

見琴怨序

今

夫穠矣王姬多陳譜牒爛其韓姑每託篇章

詩

而或者

運涉優游時非窻坎劉綱伉儷僅容盡室求仙

列仙傳劉綱居

四明山及為上虞令慕漢葉令王喬乃受道于白君飄然遠舉女仙錄樊夫人劉綱妻也鬢翠如雲肌潔如雪

同仙去伉儷見牛叟序

鮑靚夫妻祇許闔門學道

漢書鮑靚為南海太守嘗過陰

長生授秘訣一日行部入海遇風飢甚取白石煮食之後以女妻葛洪

吹簫樓上

見藝圃序竹

無淚以奚斑

見懽園賦

擊缶田間

見看奕賦注

鵲未啼而曷紫

見天

章假使不遭板蕩將忠臣無建節之年

古詩疾風知勁草板蕩識忠臣

譬諸勿遇憂危雖孝子鮮揚名之日而夫人則結褵未

久

詩親結其褵

遽罹烽煙合卷無何

禮昏義合卷而醮注以釵分為兩釵謂之卷褵與

婦各執一片以為醮

倏經兵燹蒼鵠兆釁

見懸圖序

偏增蕩析之悲

書

青犢呈妖

見觀槿序

彌切仳離之嘆

詩

免田單之老弱實藉

沈幾

見雪持序

全智果之宗支允需明哲

下注

茹荼不少集蓼

何多

詩

然而以此言悲猶云未酷慨自釐亭之下

王忱傳忱

為郈令至釐亭夜聞女子稱冤曰妾夫為涪令此亭長殺妾家十餘口埋樓下忱問亭長姓名曰即今門下游激也明旦詰問具瓊樹恒埋

詳俊三誅

胥井之旁

左傳楚子伐蕭還無

社對申叔展曰目于胥井而拯
之註欲其視無水廢井而拯已
金刀屢折詳俊王長史

僅登強仕已嬰玉碎於前

晉書王濛字仲祖亦稱長史病篤寢臥燈下持麈尾視之

嘆曰如此人曾不得四十濛別傳濛永和初卒
年三十九世稱王濛溫潤恬和謝尚清高今達
羊南城

才過立年復蹈蘭摧於後

詳合肥啟庾信為齊王碑王武子以上將開國未滿立年

玉碎蘭摧見翼王序

蓋崙生君一中副車

史記張良擊秦皇誤中副車

屢迷岐

路見竹逸序

乍沈酣而齊物

見琴怨序

終頗領以傷生

見半蘭賦

夫人

則鬢以當門

見貞女序

孱焉持戶

詳劉太母序注

劑量旱滂躬收安

邑之租

詳萬柳啟注

嗇縮錢刀先辦而門之稅

左傳宋公以門賞彤班使

食其征謂之耐門注耐班善御公以關門之征稅賞之故即以班之姓名其門入室則拆鈴周

匝疑過石慶之間

唐制禁署嚴密內夫人宣事亦先引鈴西京賦列卒周匝石奮傳奮次子

慶元鼎中拜相子孫至二千石者十三人居家而婢獲精

勤咸守王褒之約

古今文集王褒字子淵以事至煎上寡婦楊惠舍有一奴名便了子淵買

之乃作僮約按僮約即券文也載文集懷清築罷曩時之閱閱依然史記巴寡

婦清得丹穴擅利用財自衛人不敢犯始皇以為貞婦而客之為築女懷清臺石窳封來舊日

之門楣宛若

左傳齊侯自徐關入辟女子女子曰君免乎曰免矣銳司徒免乎曰免矣曰苟君與

吾父免矣可若何乃奔既而問辟司僉云有禮衆曰惟徒之妻也齊侯以為有禮與之石窳

賢然或伯鸞內助第勸賃春

見集生序

濬沖夫人徒工箕碓

見逸齋序

才優封殖惟爭齊妾之桑

左傳晉重耳及齊將行謀于桑下懿妾在其上

姜氏殺之注齊姜氏育懿之妾

術擅贏餘但問西家之棗

見看奕賦

雖復豐

荒鮮匱從容井臼之間

見井叔序

俯仰兼資黽勉有無之際

詩

足稱中智之才未預上流之目夫人則器局恢弘機

神練達處世值亨屯之會

易

知廢知興

漢書秦末天下起兵陳嬰之母

謂嬰曰卒富貴不詳不如以兵屬人項籍取王陵母置軍中漢使至陵母曰願告吾子善事漢王母以妾故持

二心遂伏劍死王命論

置身在剝復之交

易

不奢不儉

固類負羈之婦聲徹諸侯

左傳晉公子重耳之及于難也及曹僖負羈之妻曰吾觀

晉公子之從者皆足以相國若以相夫子必反其國反其國必得志于諸侯

還同冀缺之妻

名聞列國

見井叔序

若乃引經傳義里中倚若長城割宅分

田門內尊為家督

見逸齋序

袒分左右持平總賴夫片言

前漢

書太尉周勃入北軍門令曰為呂氏者右袒為劉氏者左袒軍中皆左袒

屋列東西

見祖德賦

斷

決悉歸其一諾

見納姬序

能持大體不詢臧谷之亡羊

莊子駢駢

篇臧與穀二人相與牧羊而俱亡其羊問臧奚事則挾筴讀書問穀奚事則博鑿以遊二人者事業不同其于亡

也

最薄時榮遲計塞翁之失馬

見歸田序

一門羣從官方

悉稟夫阮姑

見壽
閩序

阿大

見壽
閩序注

家訓俱由於丘嫂

史記高祖與客至丘嫂輒釜註立空也
兄亡獨有嫂也又大嫂稱也見集生序

以至嵇康阮籍

舉邀品藻於山妻

世說山濤與嵇阮契若金蘭他日二
人來山妻韓氏勸公止宿具酒食夜

穿墉視之公入妻謂曰君才致不如正當以
識度相友耳公曰伊輩亦常以我度為勝

因而荀祭

范汪咸俟重輕於劉母

晉列女傳劉真長小時諸人比
之袁羊母有識鑒謂之曰此非

汝比勿受之又有方之范汪者劉復喜母
又不聽後真長年德轉升論者比之荀祭料其才識縱

鬚眉遜為不如測彼神明尤巾幗傳為僅事加以夙嗜

丹鉛

見尺牘序

尤耽丘索

見天篆序

書籤翡翠翫銀鴨之宵移

詩深幃金鴨冷商隱
詩睡鴨香爐換夕薰

硯匣琉璃聽銅螽之書滴

見園次序成

都粉紙

見園次序

雙丸豈寇之香

見海棠賦

河北花箋

見尺牘序

百軸

葡萄之錦

見三芝序

共羨茂漪書格

見昭華序

蚤擅簪花

見茹蕙序

相

誇道韞詩名偏饒詠絮

見琴怨序

然而每至臨文間多削藁

續斑昭之別史無心留以示人

見歸田序

數令嫺之雜文何

意出而問世

見閨秀序

恒啜閨閣價懸呂覽之書

見楚鴻序

不艷

釵笄名挂蕭樓之選

見素伯序

流傳奚益顧未亡何以文為

杜預左傳註婦人既寡自稱未亡人

警勘寧疲庶兒輩知吾意耳爰乃德

容彌曄遐福逾道會逢周甲之辰適邁敦牂之歲

見九日序

賈家彪怒

見祖德序

揄書錦以卷鞞

書錦見逸齋序鞞鞞見璿璣賦

王氏龍

超

晉書王導拜司空桓廷尉作兩髻葛裾策杖路邊窺之曰人言阿龍超阿龍故自超

戲斑衣而

鞠脰

斑衣見懽園賦鞠脰見璿璣賦

魚軒阮氏佳兒遠過於許竒

左傳歸夫

人魚軒杜注夫人車以魚皮為飾魏志許允子二人竒

字子太猛字子豹許允為晉景王所誅景王遣鍾會視

其子若才流及父當收允婦阮氏謂子曰汝等雖

佳才具不多幸胸懷與語不須極哀兒從之卒免 翟弟

大家哲嗣更賢於曹毅

列女傳曹大家子毅為陳留長大家隨至官作東征賦 羲

牀對設

見雪持賦

半鸞坡鶴禁之詞臣

見澹菴序

溫鏡雙懸

溫嶠別傳

嶠姑有女屬嶠覓婚答曰佳婚難得如嶠者何如因下
玉鏡臺一枚聘之世說劉聰為玉鏡臺温嶠為劉越石

長史北征得
之以聘姑女
多鳳窟龍洲之上客
詳銀臺啟
年均絳縣地盡

丹丘
見壽閣序
矧此華筵偏當淑候千春行樂八公跨紫府

之鸞
八公見徐母序紫府見丁香賦跨鸞見貞女序
七日為人百福錫紅幡之

燕
東方朔占書七日為人八日為穀歲時記立春日剪綵為燕戴之帖宜春字于門並見澹菴序
夫人

則迴環往劫
見琴怨序
繡佛青鴛
見半繭賦
感慨前塵
見琴怨序
飯僧

白雀
珠林梁皇齋僧白雀寺中
從此雍州無量之寺定現雙花
白帖梁劉

孝儀作雍州金象寺無量壽佛像碑文有銘曰葉產梵
童花開釋子玉蓮交映銀河迤起虛空藏經寶手菩薩

手中出無量

花香瓔珞

嗣令石頭彌勒之碑還來四鶴

類油梁劉
颶刺縣石

城寺彌勒石像碑銘有曰梵王四鶴徘徊而不去帝釋千馬躑躅而忘歸

僕也昔與崙生情

深謝范

見雪持序

今偕庭玉友在紀羣

見楚鴻序

居叨孟母之鄰

門接延鄉之里

列女傳孟母舍近墓孟子少好遊為墓間之事孟母曰此非所以居吾子也乃

去舍市旁其嬉遊乃賈人銜賣之事又曰此非所以居吾子也復徙舍學宮之旁其嬉遊乃設俎豆揖讓進退

遂居之陳留風俗傳高祖與項氏戰厄于延鄉有翟母者免其難故以延鄉為封丘縣以封翟母

遂舍

毫而製序爰灑墨而搗詞昔日士行宅畔曾分剡薦之

餐

見徐母序

他時公瑾堂前長效承筐之祝

見良輔序吳志周瑜與孫策同

年友善瑜推道南大宅舍策升
堂拜母有無通共詩承筐是將
附注 國策智果知智伯
之將亡乃別族于

太史為

輔氏

壽劉太母韓恭人九十序

益聞鳳凰六管聲必應夫雌雄

黃帝紀帝使伶倫采嶰谷之竹吹之為黃鍾之

音于是制十二管以聽鳳凰之鳴其雄鳴為六律雌鳴為六呂謂之律本抱朴子軒轅聽鳳凰而調律注軒轅

黃帝諱

龍雀雙環形定鑄夫子女

見園次序

丹青所載齊姜與

戴媯同編

見滕王賦

典冊所書季芊與孟嬴並錄

見翼王序

至若

賜來黃玉識是仙姬

見天篆序

望去赤城

見尺牘序

知為天姥

見徐

母洗頭盆上

三峯記華山雲臺上有石白可容水數斛明瑩如玉中有碧水未嘗增減俗呼為玉

女洗頭盆

却寒之帳千重

補注

搗藥白旁辟惡之香四兩

傳玄擬天

問月中何有白兔搗藥秦嘉與婦書今奉麝香一觚可辟惡氣十洲記武帝幸安定西胡月支國王遣使獻香

四兩大如雀卵黑于桑椹香氣聞數百里死者在皇娥地未三月者皆活庾信鴛鴦賦辟惡生香寄韓壽

汎瑟

見雪持序

春風響穆滿之謠

見素伯序

玉女投壺夜月起井

公之祭

見琴怨序

緋羅天上首冊真妃

下注

白玉堂前

尊壽母

詩

則有西王少女身居昴畢之間

列仙傳太真夫人王母小

女也諱婉羅字勃遂又南極王夫人王母第四女名林字容真又紫微夫人名青娥字愈音王母第二十女雲

林右英夫人名媚蘭字申林王母第十二女誠齋雜記
有書生遇神女胡僧指之曰此西王母第三女玉卮娘

也天文志昴日度畢
月度二十八宿之二
南嶽夫人見葉
母序位列恒華之右詳

臺
啟如吾劉太母韓恭人者恭人海陵上族見紫
母序江表名

家水汲鮑姑之井世享大年見徐
母序杏栽董奉之林人多

陰德晉董奉傳奉字君異居廬山有道術為人治病不
取錢病重而愈者令栽杏五株輕者一株數年杏

成
林幼即敦詩長而習禮洛神賦嗟佳人之信
修羌習禮而明詩
詢余伯姊

詩
共遵陌上之桑見閨
問我諸姑詩
自織盤中之素見

秀
序窻名朱鳥見三
祗議脯漿禮
帳號青牛見尺
恒勤組贖序

紉見顧母序加以蘭英姓氏籍甚行間詩品韓蘭英綺密甚有名篇又善談笑齊

武帝謂韓媛云使生于上葉則賦統素之辭不足多也香茗才情見昭翩然林

下見閨秀序掃眉才子粧臺記漢武帝令宮人掃八字眉杜牧詩掃眉才子于今少管領春風總

不續成班固之書見歸田序不櫛書生南郡新書關逢之姊好博經典逢曰吾家

有一女進士惟恨不櫛耳載入殷淳之集見昭華序無何人頌春椒見瑞木賦

時當穠李詩遙遙華胄見得仲序妙揀高門奕奕韓侯詩親

求快婿見徐母序韓康弱女才雅稱夫描鸞劉向佳兒人無

慚於奠雁昏義婿執雁入揖讓升堂再拜奠雁翳誰比玉禮君子比德于玉實係

卯金

見素伯序

是時忠孚先生弱冠鋤經頻年種學不矜細

咳私肴核乎藝林頗好大言

見天章序

獨畋漁夫文圃

見黃門序

張安世則博窮七篋

見天篆序

朱齡石則才湧百函

見壽徐序

然

而長貧高鳳非無憔悴之言

見懸圖序

少賤王章

見天章序

大有

幽憂之疾

見海崇賦

易衣而出居賴賢妻

儒行易衣而出并日而食篤行傳李

克兄弟六人易衣而出

推髻而前出成健婦

范曄後漢書孟氏始以裝飾入門七日而

鴻不答妻曰以觀夫子之志耳乃更為推髻著布衣操作而前鴻大喜曰此真梁鴻妻也字之曰德曜名孟光

古樂府健婦持門戶猶勝一丈夫

寒機軋軋

古詩札札弄機杼

相聞袁相之園

補注鄰火熒熒共鑿匡衡之壁見素伯序先生既身綰銀黃見二

齋序恭人亦躬膺翟第詩尋階藩轄洵歷參知高車駟馬

人誇蜀郡之夫相如別傳成都有昇仙橋相如將東行題柱曰不乘駟馬車不復過此橋後奉

使至蜀太守以下郊迎縣令負弩矢先驅象笏金蟬象笏見徐母序金蟬見紫來序帝念鮑

宣之婦見壽閭序往昔有言婦隨夫貴人情不免氣以居移

曠觀夫東京紆紫之倫逖稽夫西洛拖珠之客晨轅萬

騎胥盡室以南征暮憶千車悉舉宗而北指駟軒挈婦

第舍相望魚服隨夫輪蹄不斷恭人獨以家有舅姑鄰

無疆近

李密陳情表無
暮功疆近之親

一官就道輒辭夫子以家居數

載闔門恒相高堂而里食厄區觴醵

內則敦牟厄區非
餒不敢用婦事舅

姑左佩刀
礪小鰲

手自屏當

見庭
表序

緘管泉麻

內則婦右佩箴
管又執麻泉

親

為操作

見上
注

况復庭有廉泉

南史范柘年初見宋明帝
因言及廣州有貪泉帝問

卿州有此否對曰臣梁州惟有文川武鄉廉泉讓水又
問卿宅何處曰臣所居在廉讓之間帝善之授梁州刺
史方輿勝覽宋元嘉時報恩寺中一夕
霹靂湧地為泉時歸功太守名曰廉泉

堦生慈竹

見曜
菴序

一門以內每聞自教其兒

世說謝公夫人教兒問太傅
那得初不見君教兒答曰我

常自三尺之童未嘗笑見其齒又復下陳能克

晏子有
二女願

得入身于下陳注猶後列也李斯書飾後宮克下陳

小星善逮

詩

家人歸妹

易

色

以次而能升樛木葛覃恩雖微而必及洎乎地隕珠囊

見鴻容序

天傾金鏡

春秋孔錄法有人卯金刀握金鏡雒書秦失金鏡魚日入珠鄭元注金鏡喻道

明也參知則忠以騎箕

見藝圖序

恭人則貞能矢日

詩有如皎日

生

而不愧何殊荀息之君臣

公羊傳獻公謂荀息曰士何如則可謂不食其言矣曰使

死者反生生者不愧乎其言則可謂不食其言矣

隱矣焉文大類介推之母子

左傳晉侯賞從亡者介子推不言祿祿亦弗及子推曰身將隱焉用文之母曰能如是乎與女偕隱晉侯求之不獲以綿上為之田時則令子孝廉愚公先生者王家誓墓永日

思親

見黃門序

袁氏鑿坏彌年將母

漢書袁閎字夏甫居父賀喪至孝後桓帝以安

車徵之及朋黨事作閎乃築土室潛身十八年旦暮向母禮拜范滂美之曰隱不違親貞不絕俗可謂至賢矣

吟成梁父漢丞相雅好栽桑

秦紀始皇封泰山禪梁父注梁父泰山下小山琴操

曾子耕泰山之下天雨雪凍旬日不得歸思其父母作梁父歌諸葛本傳亮臥南陽躬耕隴畝抱膝好為梁父

吟見歸田序栽桑見看奕賦

家本潯陽晉徵君差堪插柳

見海棠賦 恭人

復念累葉簪纓傳家墳索

見天篆序

雖機雲兄弟何必同行

見祖德賦

然王謝子孫無妨一出爰乃和熊教子

詳潘母啟

絕鬚

留賓

見徐母序

閉門而躬受生徒畫荻而日傳章句

北史符堅幸太

學博士盧壺曰周官禮注未有其師太常韋逞母宋氏世傳父躬業自非此母無可授傳于是就其家立講堂置生徒百三十人隔絳紗帳受業號宣文君列女傳歐陽修四歲而孤母鄭氏守節教育之家貧以荻畫地學

書

於是僧彌為弟繼薦賢書

見皇士序

太傅諸兒羣稱國器

見滕王賦附隋末高孝基見房玄齡曰當為國器

鳴鐘而食

詳合肥書

階前之玉樹

駢枝

見祖德賦

結駟以遊市上則璧人並轡

見雪持序

凡諸子姓

矯若龍駒維彼曾玄劣猶虎豹

下注

今歲孟冬之月正恭

人大耄之辰郗夫人行年九十神明不衰

見徐母序

齊田文

有客三千衣冠畢會

史記田文相齊招致賢士食客嘗數千人

橘中十叟

見徐

母並擊雲璈

見逸齋序

竹裏雙妃齊翻寶瑟

見愔園賦離騷遠遊使湘靈鼓

瑟兮令

海若舞麻姑獻壽

詳韓倬啟

採來新息之珠

與志交趾出明珠按馬援討交

趾封新息侯載薏苡歸

諧者以為明珠即此地

月姊稱觴

見愔園賦織就扶風之錦

見璿璣賦

唱天上無愁之曲

北齊書後主好自彈琵琶自為無愁之曲

民間謂之無愁天子嬖女見雪持序資暇錄錢戲有每以四文為一列者即史傳所云意錢俗謂之攤錢張仲

素詩席上

意錢來賦人間行樂之篇

漢楊惲詩人生行樂耳須富貴

何時弄妻見琴怨序鹽鐵論蹋鞠以革為圓囊實以毛髮蹴蹋為戲劉向別錄寒食蹋鞠黃帝所造

夫人

城上夜已三更

晉史朱序鎮襄陽符堅攻之序母韓氏見城西北角當先壞領百餘婢并女丁

斜築城二十餘丈賊攻西北角果潰宋守新城
號為夫人城按漢匈奴傳至范夫人城非此城
少女風

前人將百歲

見徐母序

則有刈瑯琊之稻

見竹逸序

酒釀玻璃

唐樂

史有玻璃七寶杯西涼葡萄酒

餐度索之桃筵張玳瑁

十洲記東海度索山大桃樹盤

屈三千里劉楨瓜賦薰玳瑁之筵

爰抽毫而作賦再拜母以登堂

見葉母序

附注

貴妃外傳妃坐便殿有青鸞銜書皆綠字丹文言太真係緋羅天上侍女齊書王僧虔識子云王家

門中優者鸞鳳劣猶虎豹

陳檢討四六卷十四

欽定四庫全書

陳檢討四六卷十五

翰林院檢討陳維崧撰

啟

徵浙江總督李鄴園先生詩啟

蓋聞鯨波起陸倍資作乂之臣

左傳古者明王伐不敬取其鯨鯢而封之以為

大戮崔豹古今註鯨魚大者長千里杜詩溟漲鯨波動

鷄火焚輪彌仗廓清之佐

左傳晉史趙曰陳顛頊之族也歲在鷄火是以卒滅注鷄火南方柳星午位

夸父逐鄧林之

杖列子夸父逐日而死棄其杖尸膏肉所浸生鄧林並見天篆序忠可回天詳銀臺啟貳師

飛疏勒之泉誠能動地見歸田序從來陰雨盡蓋臣拮据之

秋詩在昔雲雷正誼士經綸之會易太常論定鑄以鐘

鏞君牙紀于太常注太常王之旌旗也有功者書焉後漢書崔駰傳達旨詞曰乃將鏞元圭冊顯功銘昆吾

之治勒景裏之鐘幕府功成見滕王賦宣之鏡吹漢樂府曲有短簫鏡歌凡軍中所吹

謂之鏡歌鼓吹鄴園李先生名叶瑤樞見璿璣賦光分絳斗派從

函谷見天篆序注韜鈴工玉帳之書抱朴子兵在太乙玉帳之中不可攻也注將星

有玉帳經一卷其法出于黃帝遁甲郡入平原人物稟

金精之氣

李白傳賀知章見白蜀道難詩曰公豈天上星精耶注白稟長庚金精而生

策名

上第釋褐華年

見玉巖序

甫由李郡之司

詳映碧啟

便遙望郎之

署

見園次序

風飄繡芳

見祖德賦

蒞此臺端

見賀徐序

霜冷啼鳥陟於

卿貳

見祖德賦

粵以班僚之貴膺夫簡畀之崇遂隸雄藩爰

申新命勲階屢擢服官騰雋烈之聲敷歷頻經率屬擅

清剛之譽然而弓開似月必逢貫蝨以稱竒

列子紀昌學射于飛

衛曰視小如大視微如著而後可告昌以甃懸虱于牖南面而望之旬日之間浸大也三年之後如車輪焉貫

風之心而懸不絕

劍淬成花恒為剽犀而耀彩

見園次序

假若歷陽

未叛末由彰陶侃之忠

晉書蘇峻歷陽內史成帝咸和二年舉兵入朝陷京師陶侃溫

嶠合兵追斬之

如其并土無危奚自表劉琨之節

見歸田序按劉琨為幽并

冀三州都督

藥以獨搖而倍苦

見丁香賦

路因九折而偏難

見半滿賦

及商尹序注

乃者八州作督之年竟遭三孽方苞之事

詩羣

陰肆狡謬效連雞

左傳申公謂莒子曰狡焉思啟封疆國策秦惠王曰諸侯不可一猶連雞

之不能止于樓

諸鎮潛謀妄營犄角

見翼王序

王審知鳴張于海國

變起須臾

見王巖序

陳弘進豕突於蠻天嚳生呼吸

補注

波將

漸及

左傳

蔓恐難圖

左傳祭仲曰毋使滋蔓蔓難圖也

徧南戒以倉皇

見天

章序屬西隣以艷碗見納姬斯時也七閩關隘首說仙霞

衢州志仙霞關為入閩之界宋史浩帥閩過仙霞嶺以石梵路凡三百六十級在衢州江山縣全浙門

庭惟憑太末衢州志春秋為越西鄙姑桓桓策府率虎

旅以嬰城書尚桓桓如虎如兀兀元臣奉蠟丸而建節

塵史軍中密疏扼諸境上躬在行間崎嶇陷陣高塞姑

茂之旗見上慷慨鼓儼硬挽錢塘之弩左傳宋公楚人戰于泓子魚曰

聲盛致志鼓儼可也唐書錢鏐封吳越王嘗築捍固已

海塘通江濤怒齒鏐命彊弩數百射之濤為斂却固已

六千君子見懸共明填海之本懷見無百二山河詳孟

啟 咸喻補天之壯志矣

見唐
困賦

顧猶人各有心時方多難

颺當起處間生鳴鏑之心

漢書冒頓乃作為鳴鏑習勒
騎射左思詩邊城苦鳴鏑注

噤矢也

草欲枯時競作彎弧之狀

見素伯
序注

澱水桐溪之界

衢州志龍游縣唐澱州地有澱水嚴州志桐廬縣有桐
君山下瞰桐溪有異人來采藥問其姓指桐以示因名

青犢彌山

詳孟太
母啟

甬東於越之區

左傳越滅吳使吳王
居甬東寧波府志越

曰甬東有甬江樓紹興志禹會諸侯計功于此
曰會稽少康封少子無餘于會稽因名於越

蒼鵝蔽

日 見懸 公乃宵攜別隊銳頭突鬢之夫

史記武安君小
頭而銳突鬢見

前 序 間 挈 輕 軍 扛 鼎 翹 關 之 輩

漢書項羽力能扛鼎列子
孔子勁能招國門之關而

不肯以力聞注招與翹
同吳都賦翹關扛鼎
爬斯癬疥烹宋萬於軍中
鮮卑著邊

陸之患手足之疥搔左傳宋萬弑閔
公奔陳宋人請南宮萬于陳醢之
潰厥癰疽縛陳豨

于帳後
史記陳豨傳陳豨宛胸人也高祖封為列侯後豨反十二年冬樊噲軍卒追斬豨于靈丘倏

王師之直下俄宗子之過征浙土全收閩疆再造七年

擐甲力竭於飛牋草檄之中
左傳文公躬擐甲胄五夜援枹恩深

於伐畔侮亡之外
左傳右援枹而鼓林注枹鼓槌也書取亂侮亡遂使無諸城

上
見玉巖序依然荔子之紅
詳鞠存啟注頓令仙鯉洲邊
見玉巖序不

改檳榔之綠
見孝威序蓋力支大厦總天家之籌畫居多而

手障狂瀾實閫外之勤勞最著也

漢書大厦將傾非一木所能支進學解障

百川而東之迴狂瀾于既倒馮唐傳王者遣將曰閫以外將軍制之

所愧吳人原非越鳥

見無忝序

公也門高元禮尚阻登龍

見九日序

僕兮員綴微班猶

慳執雉

曲禮凡贊大夫雁士雉注取雉性耿介也

而乃濡毫頌德將毋越境

之嫌

國語臧文仲曰外臣之言不越境注言臣不外交也

削梯鳴情

語林宋任未年十四便勤

學編莒為廬制荆為筆一作梯

詎免隔垣之誚

見少楹序

不知方事之殷

左傳

楚子使工尹襄曰方事之殷也注殷盛也

有鄰將壑

孟

向也三江浪湧

見樂府序

疑漂壽夢之墟

左傳吳子壽夢名乘

五嶺峰橫幾達專諸之巷

廣州

記大庾始安臨賀桂陽揭陽為五嶺史記刺客傳專諸者吳堂邑人也吳公子光具酒請王僚使專諸置匕首魚炙之腹中因刺僚吳志闔閭城內有專諸巷公如暇豫疇免阽危迨迨厚德

高于迴雁之峯

見素伯序

烈烈豐功訖彼無龍之國

補注

凡茲

覆載並圓生成何況牛女同星

見玉巖序

魯邾接柝

見尺牘序

夙

有輔車之勢

見園次序

原非牛馬之風

左傳齊伐楚楚子使與師言曰君處北海

寡人處南海惟是風馬牛不相及也

則今日興言偉伐豈徒為鄰室之歌

呼睠念成勞本不僅越人之肥瘠

見壽閭序

賡謠詎僭揚扆

非誣猥逢降嶽之辰先效躋堂之祝

詩

伏冀鴻都學士

見存
虎觀詞宗

詳合肥書注

分題翡翠之箋

見智修序

爭捧珊瑚

之筆

見天篆序

庶幾人同名穆

詩

四詩賡分陝之勳

四詩見天篆序

分陝見佳

還期文駕昌黎百尺勒平淮之頌

唐憲宗紀李愬夜襲

蔡州擒吳元濟裴度入蔡州淮西平昌黎平淮西碑羣臣請紀聖功被之金石皇帝以命臣愈臣愈再拜稽首

而獻文

徵大銀臺柯素培先生六十壽言啟

蓋聞絳闕宮堯鳥篆著桂陽之籍銀膏滴瀝鴛漿對菊

井之齡

唐說紫鴛

十洲賦裏浮瑞炁於東瀛五嶽圖中

燭榮光於南戒

梁書宗炳字少文妙琴書工圖畫遠公結白蓮社炳其一也以疾還江陵乃作

諸名山圖于室曰惟當臥遊耳

彭錢歲月

見玉巖序

傅說星

辰

見藝圖序

惟箕子之疇多

書

故于公之門大

見愴園賦

恭惟素

翁柯老先生武水名家魏塘右族百年喬木代擢珠柯

見祖德賦

五色甘瓜世綿丹旆

見滕王閣賦

高蟬臨鬢

見祖德賦

從來

雙戟之門

見看奕賦

吟鷺陪軒

鹵簿令四馬白

白鷺鷺旗等車並駕

軒車士飾車庾信吳明徹銘高蟬臨鬢吟鷺陪軒按鷺車御史所乘

自昔三槐之里

宋史王佑

字景叔手植三槐于庭曰吾子孫必有為三公者

尊公楚蘅太老先生羽造鶴

班唐書上官儀曰御史供奉下接武龍夔笮羽鷓鶩豈判佐比耶蔡衡曰凡象鳳者有五多赤色者鳳多

青色者鷺多黃色者鷓多紫色者鷺多白色者鷓名標雁塔西域記晉有比丘見雙雁飛忽一雁

沒下自隕乃瘞雁建塔古今詩話韋肇及第偶于慈恩寺雁塔題名後成故事自唐神龍來同年中推善書者

紀之他時有將相則朱書之雙龍闕下人來杏苑以看花見徐母序九鯉

河邊見玉巖序官是榕城之司李見映碧啟釋之治獄共號祥刑

漢書張釋之字繼南文帝時拜廷尉時人語曰張釋之為廷尉天下無冤民永叔掄文交推

得士宋書歐陽修字永叔觀子也為學士知貢舉崇雅黜浮緣茲隱德遂兆綠蛇

蟠筍之徵見祖賦惟厥高閎爰呈彩燕投懷之瑞明皇實錄張說

母夢玉燕自東來投入懷
中因而有孕生說後為相
先生夙譽鳳毛長誇犀角

見三

芝神姿軒異同趙景之在衆中

注下

進止雍閒類裴休之

來座上

唐書裴休醞藉進止雍閒宣宗嘗曰休真儒者

孟公則長踰八尺顧盼

非常

見得仲序

子山則腰帶十圍儀觀甚偉

今狐德芬撰庾信傳子山身長

八尺腰帶十圍容止頽然有過人者

爾其常平世曹接

踵魏科

見智修序

崔蔡鴻篇騰聲上國

見紫來序

青袍釋褐

見玉巖序

蚤製錦夫棗陽

製錦見二齋序襄陽志棗陽縣漢蔡陽隋棗陽

銀艾牽絲

見存

菴序牽絲
見歸田序

便飛鳧於花縣

飛鳧見二齋序花縣見楚鴻序

斯時也慨三

尺之無人正四郊之多事襄陽堤上猶事提戈郢口江

頭還聞傳箭

襄陽志周為穀鄧地春秋屬楚古蹟有大堤城即郡城也郢陽志古糜國地春秋屬

楚為錫穴
隋曰郢鄉

將軍下瀨黃龍青雀之船

見滕王賦

君子習流

見懸

序 繡鎧珠袍之隊

吳都賦珠服玉饌

先生則蒞此凋殘會斯旁

午 劉晏云邀請旁午注縱橫割牲也捷錄使者旁午注交錯也

青芻匝地遙連陶侃

之洲

詳李母序

紅粟如山高並甘寧之壘

賈捐之對粟紅腐而不可食吳都賦

觀海陵之倉則紅粟流行吳志甘寧為孫權將步則陳車騎水則連輕舟以百餘兵禦曹兵四十萬並見梧月

序 民無怨讟

左傳民不罷勞君無怨讟一作黷

卒鮮譁呼

書

張遼臨於

赤壁如行衽席之間

見賀徐序武昌志嘉魚縣即周瑜破曹操處蘇軾誤為黃州周禮衽

席牀

第 王濬下於巴邱不改樵蘇之業

晉紀王濬為巴郡太守遷益州刺史

出巴東作大筏又作火炬于是戰艦無所碍徑造建康吳主皓詣降輿志漢巴邱今岳州府左傳請無禁樵採者以誘之庾信哀江南賦張

常聞元結詩紀春陵

唐書元結

遼臨于赤壁王濬下于巴邱
字次山為道州刺史因安史之亂為民免徭役常作春陵行其序約云道州不勝賦稅承諸使徵求符牒吾將守官靜以安人待罪而已襄陽志棗陽縣有春陵城漢元帝時望氣者曰鬱鬱蔥蔥及光武即位改曰章陵

又見羊公碑留峴首

見梧月序

時則經畧洪公獎此殊猷緘

蠟丸而上表

見鄴園啟

以暨一時督撫旌其偉績裂雁帛而

陳箋

漢書蘇武久留匈奴常惠教漢使謂單于曰天子射上林中得雁足而繫帛書武等在某澤中單于

驚謝歸武

疊承三命之褒揚

易

屢被九重之賞歎帶垂赤荔

見寶

風翻子產之衣

見懽園賦

綬綻紅桃

見半

日麗晏嬰之

宅見懽園賦

特拜黃門之職洊升青瑣之班

詳下

敬歷諸垣翺

翔兩省

見黃門序注

爾乃沈沈左掖白簡增寒

見黃門序及賀徐序

諤

諤夕郎丹心不涅

衛宏漢儀給事中黃門侍郎令日暮入對向青瑣門拜名曰夕郎

伏

蒲仗下

見黃門序

恒牽已起之裾

魏志文帝欲徙冀州十萬戶辛毗諫帝不答而起毗

隨引

補牘懷中每斷將馳之鞞

後漢書光武自將征隗囂光祿勳郭憲諫曰東

方初定車駕未可遽征乃當車拔佩刀以斷車削
帝不從後河東兵叛帝曰吾悔不用郭子橫之言加以

器宇端凝風裁峻整修篁獨挺只欲彈蕉

梁沈約修竹
彈甘蕉文長

兼淇園貞幹臣修竹稽首臣聞芟蕪蘊崇農夫之善法
無使滋蔓翦惡之良圖竊蘇臺前甘蕉一叢本無芬馥

之香柯
條之任

溫樹忘言

見良
輔序

惟圖傾藿

曹植表葵藿之傾葉
太陽雖不回光然向

之者
誠也

夕陽亭下殊多解綬之人

見商
尹序

宣政樓前不少免

冠之輩

見黃門
序注

况復蒿日時艱

見佳
山序

惕懷民瘼

詩

比有

松陵之客為言笠澤之間

詳潘
母啟

屬因水滂之頻仍以致

田廬之蕩析

書

伍胥潮至一軍悉化為沙蟲

王充論衡
伍胥臨水

為濤錢塘志子胥死浮于江中因流揚波或見乘白馬素車在潮頭因為立廟每歲仲秋既望潮水極大杭人以旗鼓逐之弄潮之戲始此然或有沈溺者穆天子傳穆王南征一軍皆化君子為猿為鶴小人為蟲為沙

文種濤來三版將生夫鼃鼃

文種傳種字子禽勾踐平吳乃賜種劍遂自殺水經

注文種沒後錢塘于八月望見有銀濤白馬依期往來通鑑智伯圍晉陽而灌之城不沒者三版沈竈產蛙民無叛意先生則疾呼閭闔慷慨陳情曲繪閭閻淋漓入告

宋書鄭俠字介夫監東京西上門誠能格主遂蠲一歲

繪流民圖上之神宗越三日大雨

唐書張元素諫太宗修洛陽宮魏徵曰張公論

之租力可回天獲請萬人之命事有回天之力夫其一節足槩千端此真全中牟之雉未能儷

此生成除雲夢之蛇不克方茲恩澤也

見賀周序

迨積勳

資累遷卿寺日親紫闥

見瀛臺序

佇踐黃扉

見佳山序

而乃志切

瞻雲

見考功序

情深愛日

見壽閭序

時則先生太母俞太淑人已

將八袞矣於是斑衣奉母

見澹園賦

畫錦娛親

見逸齋序

冬缸夏

簞聊申烏鳥之私

見梧月序及考功序

碧水丹山敢託烟霞之痼

梁書江淹為建安令嘗言碧水丹山生平酷好何嫌僻遠唐書田遊巖隱箕山高宗幸嵩山親至其門遊巖野

服出拜帝曰先生此佳否對曰臣所謂泉石膏肓烟霞痼疾者

靈萱半畝藝在堂前

見憺

園賦 孝笋千竿森於砌下

見雁菴序

翼版輿而登降依子舍以

遶迴

見懽園賦

揚舲雪後瑁湖之萬頃堆銀

松江志瑁湖為三湖之一

著

屐花前甫里之千枝綴玉

甫里見雁菴序

驥兒繞膝

見祖德賦

鴻案

齊眉

見貞女序

趨庭是鳳竟踰薛氏之三會食皆龍不羨荀

家之八

見逸齋序

人間盛事天上昌期乃者節屆青陽

見壽季序

筵開絳縣

見壽閭序

屬新歲履端之候

左傳先王之正時也履端于始舉正于中

歸餘

于終為先生週甲之辰

見逸齋序

在銀臺公入侍魚軒

官制唐立

銀臺司即今通政司也魚軒見葉母序

敬謝引年之筭

詩

在內翰孝廉君

輩出扶鳩杖

見映碧序

願持介壽之觴

詩

某等幸列通門

詳鞠

存欣叨猶子記曰兄弟之子猶子也蓋引而進之千春蘭譜聿籍鳴鐘饌

玉之文

見少

十賚芝函

高士傳陶弘景作雲林十賚賚其子弟

式逢駕鶴

驂鸞之會

見貞女序

伏惟蚤惠瓊瑤更望廣徵珠玉椒觴湛

碧飛來縹碧之箋

崔實四月令椒為玉衡之精服之令人却老正月朔列先祖前于姓各

上椒栢酒于家長碧箋見璿璣賦注

火樹舒紅唱去小紅之曲

蘇味道詩火樹銀花

合小紅姜夔詞小紅低唱我吹簫

附注

唐書趙昶字大東宛丘人神姿軒朗而內沈厚兄犍子翊一家

三節度

儲太翁九十徵詩啟

陽羨儲孔恢先生

常州志宜興古蹟有陽羨城秦曰陽羨

門第高華家聲

通顯庭施祭戟

見閩秀序

埒河北之崔盧

見楚鴻序

座滿貂蟬

見半

蕭賦 駕江東之顧陸

見尺牘序

甲第則影纓夏轂

見九日序

清門望

重夫衣冠人文則削素含毫

見藝圃序及鄴園啟

才子名標於翰

墨先生幼則岐嶷長而豪雋雍容鶴蓋

見祖德賦

不矜紈綺

之風

見玉巖序

淹雅雞林

白居易別傳居易詩人爭傳之雞林賈人取售異國率篇易一金按雞林

海外國名

大得風雲之氣蓋萬石諸郎俱擅無雙之譽

見歸田序

而燕山五桂

見憺園賦

此為第一之枝

晉書郗詵曰臣對策為天下第一猶桂林

一枝崑
山片玉
維時參藩公既藉甚朝班先生復翩然藝苑常

家有子羣識玄成

漢書常賢封侯其子玄成字少翁諫弟嗣父爵衆高其節帝因召為郎論

五經于石渠閣父子俱以明經拜相封侯諺云遺子黃金滿籬不如教子一經謂玄成也

劉氏諸賢

尤推孝綽

梁書劉孝綽族中七十人皆能文孝綽名最重並見三芝序

於是映雪傳

經見茹蕙序歌風見志

見佳山序

誌亡書之三篋

見天篆序

搜逸史于

百家西園結客

見尺牘序

屏間汎鸚鵡之杯

見鷹垂序

東觀論文

見壽季序

席上賦柗榴之枕

見季青序

時論則諸生祭酒

事原周封兄弟

同姓成王時彤伯為祭酒秦漢因之

鄉評則大雅扶輪

見得仲序漢景十三王傳夫惟大雅

卓爾不羣加以井里昇平家門豐豫吳季札延州貴胄雅號

知音見初明序周公瑾江表英姿偏能顧曲見良輔序時則羊侃

侍兒錦靴蹈地見壽季序李波小妹薄鬢彎弓見壽季序舞迴風

之十部漢書武帝宮人名麗娟者身輕弱不欲衣纓拂恐體痕也于生芝殿唱迴風之曲庭樹為之翻

落并見昭華序歌落月以雙鬟補注柝鈴周匝見葉母序千條之紅燭

薰天見園次序箏笛參差百丈之碧綾委地見雪持序蓋雄心欲

耗聊慷慨乎絲奮肉飛見觀槿序而壯志難灰或嗷惜乎酒

闌燈炮見雪持序無何而世歷滄桑見舜民序人堅松菊舞衫歌

扇愴况前生酒陣文觴闌珊昔夢先生則篝燈課子含

飴弄孫

後漢紀馬太后曰吾但當含飴弄孫

里名通德盡知此日之徵君

見祖德賦

江近潯陽共識彼中之高士

見園次序高士傳周續之入廬山事釋慧

遠彭城劉遺民遁跡匡山與淵明為潯陽三隱

道風彌邵至德可師

後漢書鍾皓以篤行

齊名荀淑李膺常嘆曰荀君清識難尚鍾君至德可師

爰乃文孫

書

長能廣期軼

輒連鑣郊祁並轡

見徐母序

張華兩劍同日干霄韓起雙環

一朝辭積

見園次序

聲傾都會人倫俱奉為美譚名動公卿

戚里尤矜為盛事諸孫鵠峙處姊尚未適人羣幼鸞停

此客得無小異

韓愈撰馬燧誌見王于北平猶高山深林龍虎變化退見少傅翠竹碧梧鸞停

鷓鴣時按馬燧贈北平郡王少傅王之子處姊見雪持序此客見三芝序

先生則年踰耄耄

聽視不衰齒近期願神明自若

見徐母序

矍鑠晴原尚臨風

而却杖摩娑畫閣或負旭以鈔書秋雨赴雞豚之社五

兩衝泥

詩葛屨五兩

春燈占角觚之棚千觴醉月

樂府雜錄角觚之戲

六國時所造李斯傳作觶抵張騫傳作角氏兩兩相當角力相觸并詳田太翁啟注庾肩吾詩角觥良家兒李白序飛羽

觴而醉月

姪人入道半已黃絕

詩紀有送宮人入道題說文絕粗緒也

鄰

叟談禪都成白首洵號世間之人瑞直稱地上之行仙

今茲上浣之辰

見壽閣序

正啟九旬之宴守淇澳武公之戒

敬慎威儀

詩

授濟南伏勝之經表章經籍

見昭華序

汾陽公

一門顯秩

唐書郭子儀華州人為天下兵馬副元帥克復兩京封汾陽郡王八子七婚俱顯官

褒

德侯九袞崇班

見壽季序

值此光榮可無揚扝當世名賢同

時先達賜之華袞

見懸圖序

錫以瓊瑤

詩

或孝養賦白華之

頌

見瑞木賦

或遊仙賡紺雪之詞

詳任丘啟

庶幾橘中八叟

見徐母序

並下始青之軒

度人經昔于始青天中碧落空歌

芝田四皓

見映碧序

齊鼓

小紅之曲

見銀臺啟

徵田太翁八袞壽言啟

河盤九曲出碣石而彌雄

河圖河水九曲長者入于渤海碣石見渭仁序

玉耀

連城

見昭華序

孕藍田而更貴

漢地里志藍田縣本秦孝公置山出美玉三秦記玉之美

者曰球其次曰藍西京賦爰有藍田珍玉吳志諸葛恪少有名孫權見其父瑾曰藍田生玉真不虛也晉書謝弘微子名莊七歲時宋公異之曰藍田生玉豈虛也哉

人言松栢不產培塿

左傳鄭子

太叔曰培塿無松栢

共說山川能生雲雨

禮天降時雨山川出雲

從來食福

必歸積德之家大抵成仙原屬修身之士華辰祝嘏

徐

母序羣公既薦幣以承筐

詩

書錦張筵

見逸齋序

賤子且歷階

而揚解

見壽閭序

不辭固陋用效賡颺茲啟某翁田太老先

生者系自西河郡分京兆

詳下

門風瓌麗漢宮題柱之聲

華

三輔決錄田鳳字季宗為尚書郎容儀端正每奏事靈帝目送之因題柱曰堂堂乎張京兆田郎

才

地通明稷下懸河之苗裔

見九日序七畧齊田駢好談論齊人語曰天口駢世說孫

興公謂郭子玄吐章陳文如懸河瀉水

勝衣對客

見素伯序

器自別於常兒毀

齒知名

見素伯序

門詎書夫凡鳥

見雅菴序

桑梓寄彌牟國內

桑與梓登州志三面距海春秋牟子國

粉榆偈離石城邊

粉榆見觀禮序按山西永寧州

亦稱離石城

晉卿六族此鮮其儔

史記晉六卿趙襄范宣智襄韓簡荀文魏襄

齊

國諸田君真其後

見賀徐序

然而雛方在鷩詎使摩霄

國語里革

諫宣公曰鳥翼鷩卵注生哺曰鷩莊子聖人鶉居而鷩食

桐甫稱孫空思向日

白居易詩

梧桐老去長孫枝詩

梧桐生矣于彼朝陽子推狷介并無綿上原田

見劉太母序

郭泰孤貧徒墊雨中巾角

郭泰別傳林宗丰儀秀偉嘗遇雨中一角墊時爭效之故

折巾一角其見慕如此

漂搖邦國蕭瑟鄉關叢叢六尺之童落落

四方之志於是長懷樂毅只欲投燕

樂毅列傳樂毅仕燕下齊七十餘城

後昭王死惠王立遂以騎劫代毅畏誅乃降趙後惠王因騎劫敗悔失毅毅報書往來復通燕燕趙二國以為

客卿不效賁皇惟知奔晉

左傳楚若敖之亂伯賁之子賁皇奔晉晉人與之苗以為謀主

十四齡髻年羈貫

見雪持序

靡屨疇資

左傳鄭申侯見齊侯曰若出于陳鄭之間

共其資糧靡屨其可也

百千年古道迢遙壺餐莫給

左傳晉侯問原守于寺人

勃鞞對曰昔趙衰以壺飧從徑餒而弗食故使處原

望滹沱而莫止瞻督亢以如

歸

漢書光武至滹沱河王霸曰水堅可渡注其地屬保定河間之界督亢見考功序

擇地在三

輔五陵之內

見渭仁序

土厚泉甘卜居近千門萬戶之旁

見

序 圃物華天寶

載王勃賦

人如端木時來曹魯之間智擬居陶

頗用計然之策

史記貨殖列傳子貢既學于仲尼退而仕于衛鬻財于曹魯之間又范蠡既雪

會稽之恥乃喟然嘆曰計然之策七越用其五而得意既已施之國吾欲用之家乃乘扁舟于江湖之陶為朱

公陶天下之中貨物所交易也
按計然勾踐臣著有計然子

三年成聚裒然通德之

門五世其昌煥若集賢之里

見祖德賦

爰乃文以情生禮緣

義起北堂饋食潔洗腆以娛親

書

東道班荆

見禹平序

結珩

璜而贈友一門輯睦施無常主之衣

見賀徐序

三黨雍和巷

有同功之火

晏子三黨待以舉火者千人同功補注

井飛孝鯉恒依護草

之闌簷噪慈烏不去荆花之館

見瑞木及憺園賦

以暨寬能逮

下王褒之僮約寧苛

見葉母序

和以與人楊子之客嘲無怒

見佳山序

奚煩馮煖代為市義於薛中

國策馮煖謂孟嘗君曰今君有區區之薛

臣竊矯君命以責賜諸民因燒其券乃臣所以為君市義也

不類趙宣徒願沾恩於

桑下

見壽季序

此又列列汎泉既注茲而挹彼濃濃桃李

詩

復自葉以流根者矣

文選張士然表曰臣聞春雨潤木自葉流根鳴鶡恤功愛子及室

如斯之類懿不勝書遂來韓起之雙環呈於膝下聿覩

張華之兩劔騰在雲邊

見園次序

此荆巖太史才雄虎觀

見鄴

園啟爭誇宋豔以班香

見瀛臺序

而某年翁賦重鴻都

見鄴園啟

羣

美庾清而鮑俊也

見瀛臺序

茲惟夏季齒屆八旬論甲子於

桂陽瞠乎後矣

見銀臺啟按桂陽張碩即遇神女杜蘭香者

遇老人於絳縣

公然過之

見壽閣序

所望共譜妍詞均搖綵筆遐不謂矣朱

輪丹轂之賓

漢書劉向諫外家封事曰王氏乘朱輪華轂者二十三人解朝客欲朱丹吾轂

何

以觴之綠醪黃封之酒

綠醪見瀛臺序東坡詩上尊白酒瀉黃封

按玉笙於

指下六月生涼燒絳燭於盤間三更若晝丁年玉樹隄

斟延壽之杯

見壽閣序

吏字銅仙

左傳晉史趙曰吏有二首六身下二如身林註古吏

字二畫在上三人在下故以二為首以六為身下吏字上二畫豎置身旁始身當為恆字蓋二首為二萬六身

為六千六百六十日喻絳縣老人七十三也劉禹錫詩午橋良吏散吏字老人迎

笑聽長生之

曲

見徐母序

則魚龍曼衍繚來雪藕之絲

漢書武帝作魚龍角觝曼衍之戲師

古曰曼衍獸名為舍利之獸先戲于庭極畢乃激水化成比目魚跳躍激水作霧障日化成黃龍即西京賦云海鱗變而成龍也李義山詩不須看盡魚龍戲終遣君王怒偃師拾遺記周穆王集方士春霄宮與王母玉帳高會進萬歲桃千年碧藕

鸞鶴繽紛瀘就碧蓮之粉

終南山記山有早藕餌之

桃千年碧藕

延年名碧粉伏祈惠我曷任改余詩

為溧陽彭太翁太母七十雙壽徵詩啟

吳雲入越

見園次序

國山綿亘於平陵

吳志吳主皓時山頂有大石自立皓封為

南嶽因名國山在宜興溧陽縣志古稱平陵縣有平陵城古蹟

魯柝聞邾

見尺牘序

瀨水滌

洄於陽羨

瀨水見昭華序陽羨見儲太翁啟

焙茶客去稔知彼地之高

閔斲筭人來詳述此中之巨閥則有門呼萬石

見歸田序人

號五經

見逸齋序

地能蟠綬偏呈集慶之符

見祖德賦

雀擬銜環

游食發祥之報

見素伯序

如我某翁彭太老先生者星分井

絡

晉左思蜀都賦岷山之精上為井絡註岷山為東井星絡之維李商隱詩井絡天彭一掌中

系出

商賢

見玉巖序

修兮雋烈夙標獨行之名

漢書彭修字子陽年十五時父為盜

所劫修拔刀向盜曰父辱子死盜驚曰童子義士遂遁去嘗作吳令從太守討賊賊請降曰自為彭君非為太

守

宣也淹長蚤擅通經之目

漢書彭宣師事張禹受易禹薦宣明經博古有威重

可任政事除右扶風拜司空王莽專政見險而止

門風烜赫繡戟連雲家學淵

源彩毫滴露曾祖南陽公升華紫闕固希簪組之榮父

雅存公策雋青袍甘蹈丘園之秀

陸機連珠詞丘園之秀因時則揚

數

傳積德詎願人知屢世行仁祇承家訓先生姿稟通明

才鋒瑰異髻年製錦名更噪於楊梅

見素伯序

壯歲擣文價

倍高於鸚鵡

見少楹及商尹序

况復政施門內

書

爰繫家人

易

庭羅讓木

見禹平序

紛敷而下茁忠葵

見賀徐序

井溢廉泉

見劉太母

序
感沸而旁飛孝鯉

見瑞木賦

陸智初幼多至性橘常墮於

懷中

見愴園賦按陸績字公紀懷橘遺母智初乃陸績字誤用

吳隱之毀不勝喪鶴

為鳴於庭下

見懽園賦

生事則羶薌脯居婉以承懽

羶薌見瀛臺序

脯居見賀徐序

廬居則定絳練祥貧能中禮

喪記

以茲篤厚足覘

鳳卜之昌

見祖德賦

緣彼恩勤定兆駟門之大

見懽園賦

而乃天

躡其才物心其遇九廛文戰

通典赴貢試院謂廛戰棘闈集韻廛戰器

兩中

副車

見葉母序

朝朝爨下燒殘蔡氏之桐

見佳山序

歲歲堂前漂

去高家之麥

見懸圃序

奏凌雲而莫惜

見實菴序

撫流水以疇憐

見園次序

是則楊朱失路達人亦以此興懷

見竹逸序

李廣難封行

路亦於焉致嘆

見素伯序

繼而令嗣蒙洲先生揆藻金閨

見園

次 蜚英玉局 翰林志史館為玉局 次公早貴 見歸田序 伯兄復望重飛

鳧 見二齋序 仲孺先鳴 見歸田序 季弟又才高繡虎 見祖德賦 一門鵲

起 見祖德賦 三雅鴻騫 見高尹序 華貂挿鬢 見半滿賦 雲霄則姑付諸

郎皎兔懸空風月則長歸老子 見歸田序 人情不遠亦已稍

酬翰墨之勲時論相同謂宜早受絲綸之錫先生則興

來撫掌 見樂府補序 終愛聞絃 見桐初序 醉後搔頭 易林左手搔頭 難忘

見獵 見桐初序 廉頗矍鑠猶存車中擊刺之形 史記頗出莽魏趙王復思

之使人視頗頗見使者一飯斗米肉十斤披甲上馬以示可用並見看奕賦 馬援飛揚尚為

鞍上拍張之狀

漢列傳馬文淵年八十餘聞武陵五溪蠻反自請行據鞍顧盼以示可用帝笑

曰矍鑠哉是翁也

陶謙素性只樂幡旗

補註

劉峻本懷惟

耽書卷

見懔園賦

耆齒七十皇路三千猥以來春始賓太學

桃堪染綬

見半繭賦

肯令豎子成名

國策龐涓曰遂成豎子之名晉書阮籍嘗登廣

武觀楚漢戰處曰時無英雄遂使豎子成名耳

柳用裁衣

見寶汾序

不礙老夫作達

見季青序

固已朱顏綠髮無須鴻烈之仙方

見贈閻序及徐母序

碧柰

黃精無假喬松之秘訣矣

拾遺記崑崙山有柰冬生子碧色九華真妃詩仰掇碧柰

花抱朴子黃精一名兔絲一名救窮一名垂珠神仙傳尹軌字公度常服黃精花聖主得賢臣頌何必啣嗑呼

吸如喬松眇然絕俗離世哉王子喬見滕王賦列仙傳
赤松子者神農時雨師也服水玉以教神農仙術神異

傳黃初平改
字為赤松子
加以性尚蕭疎不為崖異曾惟坦率詎設

畦町

莊子人間世蘧伯玉謂顏闔曰彼且為無町畦亦
與之為無町畦彼且為無崖亦與之為無崖註無

畔岸無
涯際也

長日赴雞豚之會桐帽椶鞋晴天赴櫻笋之筵

酒旗戲鼓傾蓋而何分少長三命逾恭

家語孔子之郊
遭程子于道傾

蓋而語終日甚相善焉左傳孟僖子曰孔丘聖
人之後也昔正考父佐戴武宣三命茲益恭

銜杯而

莫問春秋千觴必醉

見儲太
翁啟

婆婆里閑都忘兒是貴人

見歸田
序註

跌宕琴尊

見初
明序

共羨翁真健者

見無
忝序

此又葆其

純一知上士之天已全

莊子其天全也

享此期頤

見壽閣序

驗仁者

之徵必壽也

論語

德配吳太夫人鴻案相莊

見貞女序

鹿車對

挽

見壽閣序

盤匱事舅

見瑞木賦

允宜夫子之家雜佩留賓

詩

聿

起佳兒之譽羣稱閭範交頌禮宗

見葉母序

際此華辰張茲

綺讌遞進千齡之祝同開七袞之觴河將駕鵲

見憺園賦

乃

金妃設悅之期

神異錄木公為東王公金母為西王母男子行道名隸木公女子行道名隸金

母神仙傳西華至妙之氣化生金母集仙錄王母者龜山金母也居崑丘非飈輪不可到設悅見壽閣序嶺

正舒梅

詩註嶺上十月有梅

是絳縣懸弧之旦

見壽閣序

德門盛事嘉

耦齊年

左傳晉師服曰嘉耦曰妃

不揣舐糠

見黃門序

敢先乘韋

見觀程序伏

願廣賡雅唱徧惠鴻文葡萄百軸

見三芝序

篇篇飛杜曲之

花

見禹平序及紫來序

翡翠千箱

見智修序

字字織扶風之錦

見璣賦

則

繽紛麗句遙從青鳥以俱來

見瀛臺賦註

縹緲靈璫

見逸齋序

遠

逐彩鸞而並至矣

見貞女序

任丘龐先生七十徵詩文啟

瀛海名區鄭州沃壤

河間志漢曰渤海曰河間隋唐曰瀛州宋曰瀛海所屬有任丘縣乃

高陽氏顓頊地漢任丘宋鄭州按漢中郎將任丘繕城遂以其名名城

一帆鴨綠遙接篆

吾

詞譜有鴨頭綠題李詩遙觀漢水
鴨頭綠保定志蠡縣漢曰蠡吾

十里鵝黃

見鷹斜
垂序

籠趙北

任邱志地西
北有趙北口

疎汀曲沼霏霏菱芡之鄉雨艇煙

檣歷歷魚蝦之市天連輦下野因蒼莽而彌雄

見渭
仁序水

似吳中境以崢泓而倍敞生斯地也大有人焉安敦以

吉殊多鳩杖之賓

見映
碧序

美秀而文

左傳子太叔
美秀而文

尤數鹿

門之胄

見壽
閻序

維我某翁龐老先生北路高閣西豪望姓

見壽
徐序

貂蟬溢巷

見半
繭賦

珠屢濬於璇源

詳孟太
母啟

祭戟臨軒

見看
奕賦

玉每生於崑嶺

書

先生幼篤天倫長敦獨行分田

授宅為兄則忍處於肥

詳施公誅

讓棗推梨食果則願分其

小

文士傳孔融年四歲與諸兄食梨輒引小者人問其故答曰小兒當取小者

加以居常不

競衆推涉世之含弘性本靡爭咸服秉心之平恕偶談

一二足槩生平當塞翁失馬之年

見歸田序

有楚國亡猿之

事

見舜民序

波將洊及

見鄴園啟

株乃相連

詳潘母啟

在上官原無投

杼之嫌

國策甘茂對秦王曰昔曾子處費有與曾子同名族者而殺人人告參之母曰參殺人母不信

告之者三母投杼而起言讒者之甚也

乃旁人盡抱拾灰之懼

見觀槿序

而先

生坦然義命委以虛舟

莊子山水篇方舟而濟于河有虛船來觸舟雖有偏心之人不

怒 率爾襟情期之飄瓦

莊子復讐者不折鑽干雖有伎心者不怨飄瓦註飄瓦無情也

將予無怒詎鳴趙壹之寃

漢紀趙壹恃才倨傲後屢抵罪幾至死賴友人救得免壹

乃作疾邪賦

謂我何求寧訟治長之枉

論語

斯之雅量夫豈恒

情足知五世之其昌

見祖德賦

蚤信此門之必大

見憺園賦

至若

鮮芳饋母陸橘懷深羶毳承親江魚手進

見瑞木賦

千蟠孝

筓緣簷溜以偏生

見曜菴序

百匝慈烏繞庭柯而不去

見憺園賦

以茲貽厥致彼刑于

詩

邊孺人孝先貴裔

漢書邊韶字孝先才思敏

捷嘗自言腹便便五經笥

居然冀缺之妻

見井叔序

王孺人子晉華宗

見滕

王賦

展也梁鴻之婦

見貞女序

一門友愛桁無不易之衣

見賀徐序

三族雍諧室有同功之火

見田太翁啟

居王彥方邑屋即細

人亦畏其名

漢王烈傳烈少師陳寔以孝義稱鄉里有盜牛者主得之盜請罪曰形戮是甘勿使

王彥方知之

聞韓康伯風流縱女子亦知其號

見無忝序

况復夙

耽墳史

見天篆序

雅愛縹緗

見懸圖序

保兩世之芸編屈惟嗜艾

國語屈到嗜艾召其宗老而屬之曰祭我以艾註凌也

守百年之蠹簡董不窺園

見愴園賦

歸亡書於兵燹之後趙壁終完

見貞女序

贖遺經於闌

闌之家秦闕竟出書真足寶彌旌貫日之誠

見賀周序

硯可

成田

詩話唐人以硯為良田舌耕而筆未坡詩我生無田食破硯

遂獲凌雲之報

見實

菴序以故一枝擢秀

見儲太翁啟

先標上苑之名而三樹駢柯

俱擅連城之譽也

見昭華序

茲當降嶽之期正值生申之候

詩

昔君家三世之高曾為近代兩間之人瑞或則年逾

八袞或則齒過百齡朱霞紺雪味若恒飴

穆天子傳穆王集方士春

霄宮王母進岷山紅雪漢武外傳王母七月七日以絳

雪三黃諸丹授帝列仙傳薛昭遇仙女得絳雪丹開元

中內人趙雲容問申元之乞延生藥得絳雪

丹一粒後果再生按仙家上藥有玄霜絳雪

閩圃見閩秀序

瓊樓見瀛臺序視為珂里

見祖德賦

宜先生之不煩金竈已

知益壽之方無假銀房蚤悟延年之訣也

見得仲序

伏冀鴻

都上客惠以華繒

見存卷序

鶴市名流貽之麗句

見半滿賦

則玉

虛名館便為元圃之臺

集仙錄仙人居玉虛之館又周穆王升崑崙于元圃閭苑會西

王母金字題門即降青毛之節矣

漢武外傳王母降帝宮乘紫雲輦從官執綵旄

之節以玉盤乘桃一顆其色青

徵淮安張鞠存先生雙壽詩文啟

蓋聞真府傳觴金液瓊膏之酌

武帝外傳王母七月七日有九丹金液紫虹華

英太清紅雪之漿授帝老氏聖記吳猛純孝後登廬山見數人與猛語服玉膏終日按道人亦以嚙嗽津為瓊

膏
弇山紀石

穆天子傳天子驅馬升于弇山乃紀其跡于弇山之石而樹之槐眉曰西王母之山

註弇茲山日所入也

白雲黃竹之謠

見素伯序

瑤池舒七葉之祥

補註花

開四照

見壽季序

銀漢炳雙星之瑞

見貞女序

景麗重輪

拾遺記昔人皇

蛇身九首肇自開闢于時日月重輪山明海靜崔豹古今註明帝時為太子樂府詞曰日重光月重輪星重輝

海重潤

鸞吟法曲

唐禮樂志初隋有法曲其聲清新而近雅元宗酷愛之

鏗鏘頌禱

之音

禮

鶴纈宮袍

杜牧之詩花塢圍宮纈註纈文繒也

照耀縑紉之色

見懸

圃序 咸資雅詠用佐華筵千春颺昭代之禎符奕世紀德

門之盛事淮山張老先生繡戟高甍

繡戟見看奕賦高甍見玉巖序

銅

街貴宅

見滕王賦

姓聯翼軫瑤天著籍之宗

見祖德賦

號擅金張

青史書名之族

見滕王賦

蓮開華井夙稱關隴名家

華山記山頂有

池池中生千葉蓮因名華山韓愈詩太華峯頭玉井蓮花開十丈藕如船

桂滿淮堧

見滕王賦史記

註堧同壖謂緣河邊地

僑寓烟霞福地

僑寓見初明序寰宇記洞天福地皆名山之稱

舉

宗饌玉

見少楹序

筐羸彩鳥之徵

呂氏春秋有娥氏有二妹女為九成之臺飲食以鼓

帝命燕往視之二女覆以玉筐發而視之燕遺卵而北飛女吞之生契毛詩註天降玄鳥乃鳥也西京雜記竇太后在家有白燕銜石墮后績筐中后剖視之有文曰母天地遂合之不開後為皇后名曰天璽

盡室

鳴珂筍溢綠蛇之兆

見祖德賦

迨容部公龍蠻邦而定國本

事關宗祏之間

史記索隱高容為商家禮樂之官後以禮署稱容部左傳鄭原繁曰桓公命我

先人典司宗祏註宗廟中藏主石室曰祏

洎戶曹公却蟻賊而斥貂璫

蟻賊見素

伯序儀制貂璫侍中之飾并見半繭賦

烈載旂常之上

見鄴園啟

生還接武真

成揚震之孫

漢靈帝紀揚震曾孫竒為侍中帝問曰朕何如桓帝對曰陛下之于桓帝亦猶虞舜

比德唐堯帝不悅曰卿彊項真揚震子孫死後必復致大烏矣

沒亦留芳並祀樂公之

社

見祖德賦

豬肥鵠瘦

見序

家家摩蓋白之碑

見昭華序

荔碧蕉

丹戶戶賽羅池之廟

韓愈羅池廟碑羅池廟者故刺史柳侯廟也作迎享送神詩遺柳民

俾歌以祀焉其辭曰荔子丹兮蕉黃雖有蔬兮進侯堂

先生幼即岐嶷

詩

長而清

綺揮毫蚤歲既髻髻以知名

見懸圖序

釋褐中朝

見玉巖序

遂馳

驅而筮仕

見智修序

時則督漕之蝨先夜蝕

史記天官書日月薄蝕常昭註

以致楚州之鳴喙

氣往迫之為薄虧毀為蝕李白詩蟾蜍薄太清蝕此瑤臺月并見琴怨序

宵張

見玉巖序註

羣奸擇肉

抉錄擇人而食

細民生萑楚之悲

詩大

猾磨牙

李白詩磨牙吮血殺人如麻

瘠土抱黍離之痛

詩

先生則敷

宣利弊片言爰以回天

見銀臺啟

捍衛鄉關羣小因而見

詩九重動色萬姓更生是則甫纓簪組旋為桑梓以分

憂乍離衡茅便為枌榆而請命矣

見觀槎序

尋由畫省

見懸圖序

游筮清通復自蔽階

見黃門序

陟升華要校士則搜竒剔異

既梗楠栴杞之兼收

見滕王賦

居官則緝雅歌風亦顧陸潘

楊之咸集

見尺牘序

人傳毛玠此是望郎羣羨山濤斯真吏

部

見壽季序

若乃鄉邦以內人倫既奉為楷模

見祖德賦

相閩之

中天性尤徵其篤摯閔予同氣體鳴鳩專一之仁敬厥

所生弘葛藟本根之誼

詩

以至請蠲議賑則里閭共藉

其干楫

見歸田序

及夫濟乏扶菑則黨族交資為筦庫

禮趙文子

舉晉國管庫之士

人沐張長公之德施不少

見愔園賦

抑緣閔太君

之內助居多蓋銘椒賦菊固伯與祭戟之門

銘椒見瑞木賦晉書

武帝左貴嬪作菊花賦滕王閣序都督閻公之雅望祭戟遙臨註閻嶼字伯與為洪州都督

而習禮

通詩亦立本丹青之喬

唐書太宗命閻立本圖畫十八學士像立本素工畫姜恪以戰

功俱為相人曰左相宣威沙漠右相馳譽丹青

華齡降阼

見閻秀序

徽柔不讓夫禮

宗

見葉母序

吉日齊牢

見閻秀序

靜好無煩於姆教

見昭華序

當夫子

食貧之歲

詩

牛衣無憔悴之容

見天章序

暨大夫服政之年

見壽徐序

象服表河山之色

詩如山如河

慈能逮下待澤者期功

疆近之親

見劉太母序

惠以宜家頌義者齋翟輝庖之輩

見逸

序齋噓其善氣行作吉祥種厥仁心蒸為馥穀詩羹鳧臠

雁

見瀛臺序

堂前羅三代之賓蠟鳳騎羊

見雪持序

門內備五宗

之慶

詳掌亭誄

綠鞵繡祿跳擲屏幃

東方朔傳綠幘傳鞵蔡邕獨斷董偃青綠幘繡

祿見納序

犀角龍媒

犀角見三芝序龍媒見賀徐序

嬉遊真滌頷之而已

莫分羣從之名

郭子儀傳子儀八子七婿孫數十人問安時不能盡辨但點頷示之而已壽九

十餘終

小者誰何不辨諸郎之貌

見上

其立德也如此其食

福也又如彼屬在今春倏逢盛事

聖主闢翹材之館

熙朝開博學之科枚舉枚乘

漢枚乘傳

桑字叔景帝詔其孽子
賦平樂館文受詔輒成

共揮毫於鴟鵂樓頭

見閨
季序

崔瑗

崔駟同獻賦於鴛鴦殿下

崔駟傳駟字亭伯著詩賦銘
頌婚禮酒警合二十篇與班

固齊名子瑗字子玉能世父業
舉茂才崔湜詩草綠鴛鴦殿

笑語歷雲霄而上父子

俱榮賡歌在殿陛之間君臣交泰而先生則謂舒祺年

小幸克珥筆之臣

戰國策趙左師觸讐見太后曰老臣
賤息舒祺最少願得補黑衣之缺以

衛王宮漢制御史珥筆以紀
過註執也陸機詩珥筆華軒

燭武精銷應作歸田之叟

左傳鄭使燭之武見秦君辭曰臣之壯也猶不如人今
老矣無能為也已國策田光語太子丹曰太子聞光壯
盛之時不知吾精已銷
亡矣歸田見三芝序

一出處洵哉顯晦之攸宜為

箕為裘

禮

辰也後先之濟美更以來年欣聞雙壽太君

則六旬設帨庚申度值其初先生則九月懸弧甲子方

踰其二

見壽閭序

班衣祭錦

見愔園賦

遙飛千里之觴仙醴流霞

詳謝吳啟許碣醉歌滔滔王母九霞觴

合祝萬年之嘏

見徐母序

某等與教文

兄分擬荀陳

見壽季序註

情叨孔李

孔融傳融十歲隨父到洛時李膺有盛名詣門

者皆俊才清望及中表親戚乃通文舉至門自謂與李為戚闈者通入坐膺問曰高明祖父與僕有舊恩乎對曰先君仲尼與君先人伯陽同道而相師友則融與君累世通家膺及賓客莫不異之

丹崖春霽

宜陳朱萼之篇

疑朱驚篇

綠野秋開

見楚鴻序


應賦白華之句

見瑞

木喜霄虹之並跨筆繡江毫賦見看奕賦欣海鶴之雙飛詩話東坡

生日李委作鶴南飛曲以獻文舒羅鳥見璿璣賦佇聆雅唱敢告名賢謹

啟



陳檢討四六卷十五